

STENOGRAM DRUGE RADNE
SJEDNICE SKUPŠTINE KANTONA SARAJEVO
ODRŽANE 30.12.2022.GODINE

Elvedin Okerić (Predsjedavajući)

Otvaram Drugu radnu sjednicu sjednici Skupštine Kantona Sarajevo. Himna Bosne i Hercegovine.

Pozdravljam uvažene kolegice i kolege zastupnike, članove Vlade, uvažene goste, kao predstavnike medija koji prate rad današnje sjednice. Svima nama želim uspješan rad i zgodnu radnu atmosferu.

Prema evidenciji službe sjednici prisustvuje 31 zastupnik što je dovoljan broj za punovažan rad i odlučivanje.

Izostanak sa ove sjednice pravdali su zastupnica Marijela Hašimbegović i zastupnica Sanela Klarić.

Na osnovu članova 72. i 73. Poslovnika Skupštine Kantona Sarajevo, Kolegij Skupštine Kantona Sarajevo je na sjednici održanoj dana 16.12.2022.godine utvrdio dnevni red, a isti je dopunio na sjednici Kolegija održanoj dana 23.12.2022. godine.

Prelazimo na utvrđivanje dnevnog reda današnje sjednice. Na osnovu naprijed navedenog, Prijedlog dnevnog reda današnje, Druge radne sjednice, glasi:

1. Poslanička/zastupnička pitanja, inicijative i odgovori;
2. Prijedlog Odluke kojom se Ministarstvu za boračka pitanja Kantona Sarajevo daje saglasnost da može pristupiti potpisivanju ugovora imovinsko-pravne prirode, i to: Ugovor o udruživanju sredstava za kupovinu stanova za dodjelu u vlasništvo pripadnicima boračkih populacija koji će biti zaključen pred Kemalom Karićem notarom iz Sarajeva između „Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilisane borce i prognane osobe“ kao Prodavca/investitora i Ministarstva za boračka pitanja Kantona Sarajevo, kao Kupca/udružioca sredstava, kojim se udružuju sredstva za kupovinu 11 stambenih jedinica za dodjelu u vlasništvo pripadnicima boračkih kategorija koji na istu imaju pravo shodno važećim propisima ukupne vrijednosti od 1.180.184,00 KM uz očekivanu obavezu Kupca/Udružioca sredstava od 1.164.884,00 KM i očekivanu obavezu krajnjih korisnika od 15.300,00KM od čega: 1 stan u objektu „A1-B“ na lokaciji Rosulje, Vogošća, ukupne vrijednosti od 137.034,00 KM sa očekivanom obavezom Ministarstva za boračka pitanja Kantona Sarajevo od 133.184,00 KM i očekivanom obavezom krajnjeg korisnika od 3.850,00 KM i 10 stanova u objektu „K-30 i K-31“, na lokaciji Šip, Centar-Sarajevo, ukupne vrijednosti od 1.043.150,00 KM sa očekivanom obavezom Ministarstva za boračka pitanja Kantona Sarajevo od 1.031.700,00 KM i očekivanom obavezom krajnjih korisnika od 11.450,00 KM, kojim Ministarstvo za boračka pitanja kupuje stanove za dodjelu u vlasništvo licima iz člana 40. i člana 41. Zakona o dopunskim pravima boraca-branitelja Bosne i Hercegovine („Službene novine Kantona Sarajevo“, broj: 31/22), na osnovu utvrđenih lista lica kojima se stan dodjeljuje i u okviru sredstava predviđenih Budžetom Kantona Sarajevo za ovu namjenu;
3. Prijedlog Odluke kojom se Ministarstvu za boračka pitanja Kantona Sarajevo daje saglasnost da može u ime Kantona Sarajevo pristupiti potpisivanju ugovora za dodjelu stana u vlasništvo pripadnicima braniteljske populacije koji će biti zaključeni

pred Kemalom Karićem, notarom iz Sarajeva između Kantona Sarajevo, Ministarstva za boračka pitanja Kantona Sarajevo kao Prenosioca i trenutnih korisnika stanova kojim su dodijeljeni stanovi na korištenje, kao sticalaca;

4. Prijedlog Odluke kojom se Kantonu Sarajevo daje saglasnost da može pristupiti potpisivanju ugovora imovinsko-pravne prirode, i to: Ugovor o kupoprodaji nekretnina koji će biti zaključen pred Kemalom Karićem, notarom iz Sarajeva između Beganović (Srđan) Anke kao Prodavca i Kantona Sarajevo, kao Kupca, kojim se kupuje objekat „Kon-Tiki“ sa pripadajućim zemljištem i nekretninama u Vogošći, ukupne vrijednosti od 750.000,00 KM, a u svrhu stavljanja u funkciju i preuređenja u spomen obilježje – Muzej stradanja građana Bosne i Hercegovine i u okviru sredstava predviđenih Budžetom Kantona Sarajevo za ovu namjenu;
5. Prijedlog Odluke o proglašenju boračkih udruženja, organizacija i saveza od posebnog interesa za Kanton Sarajevo;
6. Prijedlog Odluke o davanju saglasnosti Zavodu za izgradnju Kantona Sarajevo i Direkciji za puteve Kantona Sarajevo, za zaključivanje Ugovora o kupoprodaji privremenog objekta radi rušenja, između Kantona Sarajevo, Ministarstvo saobraćaja - Direkcija za puteve Kantona Sarajevo i Zavoda za izgradnju Kantona Sarajevo sa jedne strane i Tucaković Ilijaza sa druge strane, u svrhu izgradnje „IX“ transverzale - rondo u ul. Safeta Zajke, a u skladu sa Odlukom o usvajanju Okvira za otkup imovine i naknade radi realizacije projekta izgradnje gradskih saobraćajnica u Kantonu Sarajevo broj: 01-04-19714/21 („Službene novine Kantona Sarajevo“, broj: 18/21).

Molim zastupnice i zastupnike da se izjasne o predloženom dnevnom redu.

Zaključujem glasanje. Molim službu da objavi rezultate glasanja.

Za je glasao 31 zastupnik, protiv i suzdržanih nije bilo.

Konstatujem da je Skupština za Drugu radnu sjednicu Skupštine Kantona Sarajevo usvojila dnevni red onako kako je predložen.

Prelazimo na realizaciju prve tačke dnevnog reda.

AD – 1.

POSLANIČKA/ZASTUPNIČKA PITANJA, INICIJATIVE I ODGOVORI

Sada je 10 sati i 14 minuta, imamo jedan sat vremena za poslanička /zastupnička pitanja i inicijative.

Zastupnik prvi koji se prijavio je zastupnik Mahir Dević izvolite imate riječ.

Mahir Dević (poslanik/zastupnik)

Hvala. Postavljam pitanje ministru financija Kantona Sarajevo ukoliko može da odgovori usmeno, vjerovatno možda neće ni moći, ukoliko ne, ja ću dostaviti u pismenoj formi dva pitanja. Prvo pitanje koliko je Kanton Sarajevo u 2022. godini izdvojio sredstava za plaćanje tzv. penala na nepovučena kreditna sredstva za realizaciju infrastrukturnih projekata? Ukoliko zna ovaj podatak tačno usmeno da ga odgovori to će bit OK. Drugo nek bude ipak pismeno. Molim vas da mi dostavite znači analizu svih finansijskih tokova u Kantonu Sarajevo u 2022. godini prema drugim nivoima vlasti. Znači praktično sva sredstva iz Budžeta Kantona Sarajevo kroz sva Ministarstva, uključujući Kabinet predsjedavajućeg Skupštine Kantona Sarajevo koja

su transferirana diljem Bosne i Hercegovine. Znači da vidimo koliko smo to mi sredstava u 22. godini potrošili financirajući raznorazne projekte po Federaciji Bosne i Hercegovine, po Bosni i Hercegovini i po entitetu RS, a da to nije bila ustavna nadležnost Kantona Sarajevo. Pretpostavljam da će vam ministre za ovo ipak trebati vremena kroz sve resore, molim vas da mi to dostavite u pismenoj formi. Inicijativa predsjedavajući od prošlog puta. Da se stavi na glasanje na Skupštini Kantona Sarajevo znači zaključak Kluba SDA da Vlada Kantona Sarajevo izvrši uplatu 1080 KM svim uposlenicima u Kantonu Sarajevo kao pomoć na enormno visok rast inflacije u cijeloj Bosni i Hercegovini i u Kantonu Sarajevo. Zamolit ću vas naravno za ovu inicijativu da se glasa, da se ne pravi nikakva poslovnička gimnastika oko ovoga. Sasvim dovoljno smo imali prostora u medijima da čujemo i stav premijera i stav Vlade i da se ponašamo u skladu sa Poslovnikom o radu Skupštine Kantona Sarajevo. Znači, nemojte nas voditi u onom pravcu u kom smo bili u prošlom mandatu. Poslovnik je jasan, a imamo stavove Vlade. Prema tome najveći zakonodavni organ Skupština Kantona Sarajevo treba da donese konačnu riječ o ovome. Mi smo nominalno znači oni koji su poslodavac Vladi Kantona Sarajevo, a ne ona nama, a onako kako ste vi napravili ovaj u prethodnom periodu. Prema tome, mi smo politika, mi odlučujemo da li Vlada to treba da uradi ili ne uradi. Stavove smo čuli od premijera. Vidjeli smo da su to drugi Kantoni uradili i molim vas da se ovo stavi obavezno na glasanje. Hvala.

Elvedin Okerić (Predsjedavajući)

Zahvaljujemo se kolegi Deviću. Zastupnica Fatima Smailbegović- Gavrankapetanović. Izvolite imate riječ. Niste još uključeni. Uključite zastupnicu Fatimu Smailbegović-Gavrankapetanović.

Fatima Smailbegović-Gavrankapetanović (poslanik/zastupnik)

Poštovani predsjedavajući, poštovane kolege zastupnici, moja današnja inicijativa bi bila rješavanje pitanja liste čekanja na zdravstvene usluge u Kantonu Sarajevo. Pokrećem inicijativu za potpuno eliminisanje odnosno maksimalno skraćivanje liste čekanja na zdravstvene usluge u Kantonu Sarajevo. Svakodnevno u kontaktu sa našim sugrađanima kao zdravstveni radnik ali i kao građanka svjedok sam velikog broja nezadovoljnih građana zbog dugog čekanja na određene zdravstvene usluge. Poseban problem je kod pojedinih specijalističkih pregleda i oboljenja. Ovu inicijativu sam predala u pismenoj formi. Zahvaljujem se.

Elvedin Okerić (Predsjedavajući)

Zahvaljujem se uvaženoj zastupnici. Dopredsjedavajući Igor Stojanović se javio za riječ. Izvolite.

Igor Stojanović (dopredsjedavajući)

Hvala predsjedavajući. Dakle javljam se da bi podnio inicijativu prema Vladi Kantona Sarajevo prijedlog za usvajanje inicijative osnivanja fonda za izvrsnost. Prema dostupnim podacima istraživanja Webometrics-a Univerzitet u Sarajevu rangiran je kao 1669. na listi svjetskih univerziteta. Prema nekim drugim relevantnim istraživanjima na Šangajskoj listi i ostalim dakle ovaj listama Univerzitet u Sarajevu se uopšte ne nalazi na ranking listama. Moja inicijativa podrazumijeva mogućnost stipendiranja najboljih studenata iz Kantona Sarajevo u

master i doktorskim studijama 2. i 3. dakle ciklusa van Bosne i Hercegovine. Po okončanju studija studenti su obavezni vratiti se u Bosnu i Hercegovinu i zadržati se u zemlji u određenom vremenskom periodu prema kojem očekujem da Ministarstvo i Vlada donesu određene kriterije. Prema zamišljenom konceptu resorno Ministarstvo za obrazovanje, nauku i mlade, resorno Ministarstvo za visoko obrazovanje na godišnjem nivou objavljivalo bi konkurs s ciljem izbora određenog broja studenata čiji bi studij van Bosne i Hercegovine bio podržan putem stipendiranja. Ja očekujem da ova inicijativa bude usvojena. Smatram da ne smijemo limitirati najbolje naše studente, najpametnije, koji bi sutra trebali da donosu progres Kantonu Sarajevo i Bosni i Hercegovini, da im trebamo omogućiti da se školuju i da pokažu svoja znanja najjačim univerzitetima i da poslije toga imaju obavezu da se ovdje zbog našeg, zbog pomoći konkretne iz Kantona Sarajevo vrata ovdje i pomognu nam u razvoju i Kantona Sarajevo i Bosne i Hercegovine. Hvala lijepo.

Elvedin Okerić (Predsjedavajući)

Zahvaljujem se dopredsjedavajućem Igoru Stojanoviću. Dopredsjedavajuća Danijela Kristić se javila za riječ.

Danijela Kristić (Dopredsjedavajuća)

Zahvaljujem predsjedavajući. Pozdravljam sve prisutne i gledaoce kraj malih ekrana. Na osnovu molbi mnogobrojnih građana Kantona Sarajevo, a sve u vezi člana 101 Zakona o zaštiti potrošača u Bosni i Hercegovini obraćam se zbog problema sa kojima se susreću kako korisnici usluge isporuke toplotne energije od strane Toplana Sarajevo. Mnogi građani su zbog povećanih cijena odlučili zatražiti isključenje sa sistema i raskinuti ugovor sa navedenim javnim preduzećem. Međutim konstantan odgovor koji dobivaju je da je nemoguće iz tehničkih razloga isključiti se iz sistema grijanja te su primorani koristiti usluge koje ne žele. Da li se na ovakav način krše njihova potrošačka prava?

Podnosim inicijativu da se popune sistematizirana radna mjesta u Kantonalnoj upravi za inspeksijske poslove zbog odlaska 7 inspektora u penziju u toku 2023. godine. Naročito skrećem pažnju na nedostajuće građevinske inspektore pri inspektoratu urbanističko-građevinske, stambene i ekološke inspekcije, te molim da se odmah izvrše interni premještaji inspektora koji imaju potrebne uslove za građevinskog inspektora, a sve shodno Zakonu o državnoj službi.

I treća inicijativa. Podnosim inicijativu da Služba za skupštinske poslove Skupštine Kantona Sarajevo redovno dostavlja informaciju o neopravdanim izostancima zastupnika Skupštine Kantona Sarajevo sa radnih sjednica Komisiji za izbor i imenovanje i administrativna pitanja za postupanje po članu 105 stav 2, a sve u vezi sa članom 104 Poslovnika Skupštine Kantona Sarajevo. Hvala.

Elvedin Okerić (Predsjedavajući)

Zahvaljujem se dopredsjedavajućoj. Zastupnik Irfan Čengić se javio za riječ.

Irfan Čengić (poslanik/zastupnik)

Hvala predsjedavajući. Ja sam dostavio pismeno ovu inicijativu. Dakle prvo da se zahvalim Kolegiju koji je uvrstio imovinskopravna pitanja na ovu sjednicu Skupštine, ali mislim da će to biti povučena tačka ako već nije urađeno. Dakle ja sam jučer imao sastanak sa Pravobranilaštvom, Zavoda za izgradnju, direktorom Direkcije za ceste i šokiran sam zašto

zapravo stoje radovi na Devetoj transverzali, odnosno spajanju kružnog toka. Radi imovinskopravnih odnosa jer je napravljena tehnička greška u predloženom ugovoru koji je dostavljen iz Vlade Kantona Sarajevo još u septembru mjesecu, koji je čekao 3 mjeseca u Skupštini. Mi smo sada izgubili 3 mjeseca, a izgubit ćemo očito još jedan, dva mjeseca da sa vrše radovi na kružnom toku, dakle na Devetoj transverzali spajanje sa autoputem. Ono što su me upoznali pored te odluke koja je pojedinačno odluka za pojedinačnu nekretninu, mi imamo problem sa općom odlukom o usvajanju okvira za otkup imovine i naknade radi realizacije projekata izgradnje gradske saobraćajnice u Kantonu Sarajevo i dajem inicijativu da se ta Odluka izmjeni i dopuni onako kako je Pravobranilaštvo, Zavod za izgradnju i EBRD predložio i da to pokušamo stići u januaru mjesecu kako bi barem do februara otkočili radove. Dakle svjedoci smo svakodnevnih gužvi, pogotovo u tom dijelu grada zbog tih radova. Izvođačima mašine stoje. Zahvaljujući sposobnom ugovoru i ministra i Direkcija cesta mi ne plaćamo penale jer su predvidjeli takvu situaciju ali inače bi imali pravo na penale zato što mašine stoje, a ne mogu obaviti radovi, građani ispaštaju, a to sve stoji zbog ugovora koji nije dobro napravljen, koji je prošao Vladu u septembru mjesecu. A imamo problem s ovom općom Odlukom u vezi drugih nekretnina na toj lokaciji za one osobe, pravna i fizička lica koji ne žele da pristanu na nagodbu s Kantom Sarajevo. Tako da ako se može o inicijativi izjašnjavati danas jer ona ne iziskuje finansijska sredstva, a već je preporučena i od Pravobranilaštva i od EBRD-a prema Vladi Kantona Sarajevo, kako bi Vlada to mogla već u prvim radnim sedmicama 2023 dostavi Skupštini, pa na nekim budućim sjednicama da možemo razmatrati ovu tačku. Dakle radovi su usporeni na Devetoj transverzale spajanja na gradski autoput ne zbog izvođača radova, ne zbog Direkcije za ceste, ne zbog Ministarstva saobraćaja već zbog nerješavanja imovinsko pravnih pitanja koja su stajala u Skupštini evo 3 mjeseca i kada je predsjedavajući i Kolegij to stavio na dnevni red, očigledno imaju problemi u samom formulisanju tog ugovora o otkupu te nekretnine.

Elvedin Okerić (Predsjedavajući)

Zahvaljujemo se zastupniku Čengiću. Zastupnica Smiljana Viteškić se javila za riječ.

Smiljana Viteškić (poslanik/zastupnik)

Zahvaljujem predsjedavajući. Dobar dan svima. Ja imam jedno pitanje ministrici za odgoj i obrazovanje na koje želim usmeni odgovor, a pitanje je u kojoj fazi se nalazi izrada Zakona o dualnom obrazovanju u Kantonu Sarajevo i da li je završen projekat podrške uspostavljanju dualnog sistema obrazovanja u Kantonu Sarajevo? I inicijativu upućujem Komisiji za izbor i imenovanja nakon što smo imenovali sve skupštinske komisije, iniciran da se u skladu sa Etičkim kodeksom poslanika u Skupštini Kantona Sarajevo imenuje Etičko vijeće u što skorijem roku. Hvala.

Elvedin Okerić (Predsjedavajući)

Zahvaljujemo se zastupnici Viteškić. Za riječ se javila zastupnica Elza Gaković.

Elza Gaković (poslanik/zastupnik)

Zahvaljujem predsjedavajući. Ja ću za današnju Drugu radnu sjednicu postaviti tri zastupničke inicijative. Prva moja inicijativa odnosi se na izgradnju kanalizacione mreže u ulici Dobroševićka prije same njene rekonstrukcije jer u ulici Dobroševićka rađena su geodetska

snimanja, utvrđeno je da kanalizaciona mreža u pomenutoj lokaciji ne postoji, a ja napominjem da je za to urađena projektna dokumentacija.

Također moja druga inicijativa odnosi se na izdvajanje milion maraka u Budžetu Kantona Sarajevo za 2023 godinu za rješavanja vodosnabdijevanja mjesne zajednice Rječica. U obrazloženju inicijative: rješavanje vodosnabdijevanja u naselju Rječica jedan je od dugogodišnjih problema građana ove mjesne zajednice. Općina Novi Grad Sarajevo uradila je idejni projekat čije je rješenje odobren od strane subjekta planiranja, a u tu svrhu namjene rješavanja ovog gorućeg problema Općina Novi Grad Sarajevo Budžetu za 2023. godinu izdvojila je 400 000 maraka. Iniciram izdvajanje milion konvertibilnih maraka iz Budžeta Kantona Sarajevo za 2023. godinu kako bi se ovaj veliki problem rješavao bržom dinamikom s obzirom da su svi preduslovi za to regulisani. I moja treća inicijativa. Iniciram izdvajanje sredstava u Budžetu Kantona Sarajevo za 2023. godinu za izgradnju javne garaže na području mjesne zajednice Alipašino polje na lokaciji kod džamije Kralj Fahd. Općini Novi Grad Sarajevo kao najmnogoljudnijoj općini neophodna je izgradnja javne garaže pogotovo u dijelovima općine u kojima nedostaju kapaciteti za propisno parkiranje. Općina Novi Grad Sarajevo je uradila idejni projekat za ovu javnu garažu a ja iniciram izdvajanje 500 000 maraka za početak gradnje ove javne garaže. Zahvaljujem.

Elvedin Okerić (Predsjedavajući)

Zahvaljujem se zastupnici Gaković. Za riječ se javio zastupnik Jasmin Šaljić.

Jasmin Šaljić (poslanik/zastupnik)

Ja sam. Imam jedno pitanje ali evo već je kolega Čengić i postavio i kvalitetno odgovorio vezano za transverzalu i kružni tok u naselju Alipašin most, odnosno Buljakovu, pa ću ja to pitanje odustati.

Imam inicijativu. Na prvoj radnoj sjednici primijetio sam da ovdje ovaj mi ne odajemo počast. Posle himne samo počne sjednica Skupštine Kantona Sarajevo. Ja mislim da to nikakav nije problem, da je to najmanje što možemo da uradimo da odamo počast svako na svoj način onako kako misli, kako želi, minutom šutnje, Fatihom. Pa ako treba da se izjasni i Skupština. Ili kako mi sjedimo ovdje. Zahvaljujući pripadnicima Armije Republike Bosne i Hercegovine i MUP-a.

Druga moja inicijativa je vezana za način obilježavanja značajnih datuma i događaja i ličnosti gdje je nosilac Kanton Sarajevo.

Dešava se da se obilježavanje vrši proizvoljno i paušalno, da po protokolu najčešće ne imenuje se agresor. Ostane u zraku, kad dođe do te teme tajac. Jel mi ne može bit obilježavanje da je nosilac institucija Skupština Kantona Sarajevo a da se ne zna ko je ispalio granatu, gdje, kako, ko je ubijen, kako je ubijen. Sve se zna do momenta dok dođemo do ko je ispalio tu granatu. Jel to problem toliki reći? Odredite termin koji je to, jel s položaja vojske Republike Srpske il iz Nedžarića, odakle. Dok mi to radimo komisija Republike srpske napravi izvještaj pa kaže da smo mi bili u blokadi da nismo bili u opsadi. Tzn. da mi samo nismo mogli da odemo na godišnji odmor, na more, nismo mogli na planinu. Jesmo li mi bili u blokadi ili u opsadi. Govornici koji ispred Skupštine Kantona Sarajevo tamo dođu ne znaju, lupaju termine, govore recimo o porodicama poginulih.

Elvedin Okerić (Predsjedavajući)

Kolega Šaljiću može li samo konkretno pitanje.

Jasmin Šaljić (poslanik/zastupnik)

Može, može, da ga uredimo. Pa ja navodim šta treba da se uvede, da se taksativno. Onaj ko bude ispred Skupštine Kantona Sarajevo ima to da nabroji ili da ga ne obilježavamo ili da mi ovo prekinemo da damo udruženjima i porodicama pa nek oni kako god misle da treba neka rade. Pod pokroviteljstvom institucije ne može se nedorečeno obaviti obilježavanje. Znači, ne može nedorečeno ili da ga obilježavamo ili da ga ne obilježava.

Elvedin Okerić (Predsjedavajući)

Evo upravo je vrijeme isteklo. Zahvaljujemo se zastupniku Šaljiću. Zastupnik Damir Marjanović se javio za riječ.

Damir Marjanović (poslanik/zastupnik)

Zahvaljujem predsjedavajući. Pozdravljam sve kolegice i kolege kao i one koji prate zasjedanje Skupštine Kantona Sarajevo. Prvo pitanje upućujem Ministarstvu zdravstva, ustvari Vladi i Ministarstvu zdravstva. Prije par mjeseci potpis na kolektivni ugovor čime su značajno popravljani finansijski uvjeti rada u Apotekama Sarajevo, što smo svi pozdravili. Međutim prilikom potpisivanja tog kolektivnog ugovora već je skrenuta pažnja da će određene stvari glede funkcioniranja i rada te institucije biti dovedene u pitanje. Dva Puta je već postavljano ovo pitanje glede popunjavanja određenih finansijskih rupa koje su nastale u poslovanju Apoteka Sarajevo, a koje su uvjetovane tom političkom odlukom. Pa me sad zanima bio je dogovor i bilo je jasno rečeno i ministar je odgovorio da će do kraja godine Vlada Kantona Sarajevo napraviti određene finansijske korake u pravcu popunjavanja tih rupa, pa me sada samo zanima pošto nemamo nikakve informacije, moje preliminarne informacije govore da se ništa nije desilo na tom polju. Zanima me između ostaloga da li Vlada Kantona Sarajevo učinila nešto što je trebala i ono što je obećala da će učiniti i da li je poslovanje Apoteka Sarajevo na neki način potpomognuto da bi se prevazišli minusi koji su nastali potpisivanjem ovog kolektivnog ugovora?

Vezano za inicijativu nećete mi zamjeriti, ima jedna mala definicija koja kaže da mentalno zdravlje ne samo odsustvo mentalnog poremećaja, ono je definisano kako stanje blagostanja u kojem svaka osoba ostvaruje svoj potencijal, nosi se sa svakodnevnim stresom života te da može produktivno raditi i u mogućnosti je da doprinosi svojoj zajednici. Svjedoci smo da živimo u okruženju u kojem smo od naših mladih napravili jednu od najugroženijih kategorija koja jako izložena stresu, posebno u ovoj 2022. godini, stoga pokrećemo inicijativu prema resornom Ministarstvu, tj. Ministarstvu za nauku, visoko obrazovanje i mlade da u narednih 6 mjeseci najkasnije održi tematsku sjednicu pod radnim naslovom "Stanje mentalnog zdravlja mladih Kantona Sarajevo- analiza i perspektiva". Siguran sam da imamo već polazne informacije, siguran sam da postoji veliki broj stručnjaka koji će umnogome moći pomoći ovome organu koji se zove Skupština Kantona Sarajevo i Vladi Kantona Sarajevo da se stavi na raspolaganje mladim ljudima koji su, čije je mentalno zdravlje izuzetno ugroženo onim što smo im servirali kao stvarnost u njihovim životima. Hvala velika.

Elvedin Okerić (Predsjedavajući)

Zahvaljujemo se kolegi Marjanoviću. Za riječ se javila zastupnica Jelena Pekić.

Jelena Pekić (poslanik/zastupnik)

Pozdrav svim prisutnima u sali i gledateljima i gledateljicama putem televizije. Danas imam pripremljene jedno zastupničko pitanje i dvije inicijative. Zastupničko pitanje se odnosi na Ministarstvo za rad, socijalnu politiku, izbjegla i raseljena lica. Naime u prethodnom periodu su učinjeni značajni naponi kada je u pitanju briga o najugroženijim kategorijama stanovništva na području Kantona Sarajevo koji se odnose na rad javnih kuhinja, subvencioniranje grijanja, porodijskih naknada, pomoć penzionerima. Pitanje se odnosi da li nam možete reći koliko su iznosile date subvencije, koliko korisnika je bilo obuhvaćeno istima. Odgovor tražim usmeno ukoliko je sada moguće ili naravno pismeno. Imam dvije inicijative. Jedna se tiče uspostavljanje programa "Sarajevo središte IT industrije" koju upućujem prema Vladi Kantona Sarajevo a koja uključuje da se u 2023. godini usvoji program izdvajanja za podršku programa edukacije i prekvalifikacije za pozicije u IT sektoru, saradnji sa Univerzitetom, reprezentativnim udruženjima i asocijacijama iz IT sektora, a posredstvom Službe za zapošljavanje Kantona Sarajevo da Ministarstvo za odgoj i obrazovanje uspostavi saradnju sa međunarodnim donatorima na projektima koji će doprinijeti značajnijem uključivanju učenika osnovnih i srednjih škola uz teme, sekcije i programe i da Ministarstvo privrede Kantona Sarajevo poveća finansijska izdvajanja i proširi kriterije za start up fond za podršku mikro malim i srednjim preduzećima start up mlađim od 5 godina koji su fokusirani na razvoj IT usluga i razvoj mogućnosti usluga od podrške IT sektoru, uključujući usluge prekvalifikacije i dodatna usavršavanja za IT usluge. I naravno s obzirom da ovo iziskuje određena finansijska izdvajanja da se izvrši prethodna procjena neophodnih finansijskih sredstava za provedbu inicijative "Sarajevo središta IT industrije" kao strateškog cilja nove Vlade Kantona Sarajevo za 2023. godinu. Druga inicijativa: Upućujem je prema Ministarstvu zdravstva Kantona Sarajevo za uspostavljanje pomoćne krizne telefonske linije s ciljem prevencije ili sprečavanja samoubistva, suicida. Realizacijom ove inicijative podrazumijeva uvođenje telefonske linije za osobe koje imaju suicidalne misli ili namjere, a koja bi radila 24 sata dnevno 365 dana u godini. SOS linija sa može uspostaviti, naravno, ukoliko je to moguće u okviru postojećih Centara za mentalno zdravlje u Domovima zdravlja na području Kantona Sarajevo. Razlozi su ovaj mnogobrojni, stoga...

Elvedin Okerić (Predsjedavajući)

Vrijeme zastupnice Pekić.

Jelena Pekić (poslanik/zastupnik)

Samo još jednu rečenicu. Mnoge osobe koje imaju samoubilačke namjere ne traže pomoć zdravstvenih službi licem u lice, podršku prijatelja ili članova porodice, zato je važna ovakva jedna inicijativa. Hvala.

Elvedin Okerić (Predsjedavajući)

Zahvaljujemo se. Zastupnik Nihad Uk se javio za riječ.

Nihad Uk (poslanik/zastupnik)

Hvala predsjedavajući. Lijep pozdrav vama i kolegama i kolegicama u sali, gledaocima pored malih ekrana. Dakle imam jedno, može biti pitanje ili ako je nemoguće u ovom trenutku, može inicijativa, jeste uvođenje noćne linije ponovno u grad Sarajevo. Dakle mi smo jedan od jedini grad u regiji da ne kažem širem geografskom pojmu koji nema noćni prijevoz barem za

određene dane u sedmici. Ovom prilikom iniciran da ukoliko je to moguće a potrebe itekako ima, da se u narednom periodu od naredne godine uvedu za početak možda noćne linije isključivo vikendom, a onda i drugim radnim danima. Dakle ne samo to da ima veze sa privredom i turizmom već i uposlenicima koji se moraju vratiti u kasne noćne sate svojim domovima. A na kraju krajeva očito da postoji potreba s obzirom da evo proteklih mjeseci sporadično za određene dane u godini se planira noćni prijevoz, tipa za Božić je planirano, za Novu godinu, mislim da postoji potreba da to bude cjelokupnu godinu za stanovnike grada Sarajeva i Kantona Sarajevo. Hvala.

Elvedin Okerić (Predsjedavajući)

Zastupnik Samir Avdić se javio za riječ. Uključite zastupnika Samira Avdića. Ne ministra Samira Avdića, već zastupnika.

Samir Avdić (poslanik/zastupnik)

Hvala. Pozdravio bih sve prisutne i ljude koji prate naš rad putem medija. Moje zastupničko pitanje upućeno je ovaj bit će upućeno ustvari ministrima Deliću i Čičiću. Svjedoci smo je li na prošloj sjednici i evo u medijima i maloprije od kolege Devića da se jako, jako ovaj da kažem promoviše ova inicijativa u vezi sa jednokratnom pomoći, a po meni radi se o jednoj prilično političkoj predstavi koja je urađena u koprodukciji dijela sindikalnih šefova i jedne od opozicione stranke. To je proizvelo određene antagonističke odnose između, s jedne strane zaposlenika u javnom sektoru, koje apsolutno razumijem s obzirom da sam dugo ovaj radio u oblasti kulture i s druge strane ljudi koji su se i meni javljali i može se pratiti njihova reakcija na društvenim mrežama, poput nezaposlenih, te me zanima, da li imamo neku ideju u vezi kako pomoći nezaposlenima, te onih onih radnika malih i srednjih preduzeća iz privatnog sektora koji ustvari pune budžet, a također koje zanima da li da postoji neka ideja u vezi sa njihovom pozicijom i tu bi nam bilo dobro, tu bi nam bilo dobro da čujemo od ministra Delića tih oko 200 miliona koji su utrošeni u poboljšanje poslovnog ambijenta, na koji način je taj ambijent, ambijent...

Elvedin Okerić (Predsjedavajući)

Poslovnička intervencija zastupnik Mahir Dević.

Samir Avdić (poslanik/zastupnik)

Molim vas član 89. U članu 89 piše odmah, ali ne odmah da me prekidate, nego odmah nakon što završim. Tako da molim vas nemojte me prekidati, ja ću vas onda sve vrijeme prekidati na svakoj trećoj rečenici. Mogu li nastaviti i da mi se vrati vrijeme koje mi je oduzeo kolega. Pa evo možemo pitati sekretara Skupštine.

Elvedin Okerić (Predsjedavajući)

Zastupniče Dević izvolite imate riječ.

Mahir Dević (poslanik/zastupnik)

Ja bih zaista volio da čujem od strane kolege šta je pitanje il šta je inicijativa. Predsjedavajući ovo je diskusija što kolega govori. Ovo je u diskusiji u kojoj je on nabacao nekih 20 tema. Ne čujem ni šta je pitanje, šta inicijativa, da se držimo dnevnog reda. To je moja poslovnička intervencija.

Elvedin Okerić (Predsjedavajući)

To je vaš opservacija. Hvala vam. Zastupničke Avdić nastavite.

Samir Avdić (poslanik/zastupnik)

Što se tiče nabacivanja svega, učio sam od najboljih, evo i na prošloj sjednici, tako da ukoliko ćemo poštovati Poslovnik molim da se poštuje i da se, da pitamo sekretara ko je u pravu s ovim prekidanjem. Ali evo ako ćemo već nabacivati teme i o penzionerima se govorilo. Čuli smo da je 200 000 000 suficita, pa evo i ja da postavim pitanje, ono malo nepristojno, sta si radio Fadile? Zašto od toga nismo povećali penziju itd? Međutim nepristojno bi bilo da se rugamo ljudima koji imaju problem u izgovoru bilo kojeg slova. Moje pitanje bi bilo prvo prema Deliću u vezi sa poboljšanjem poslovnog ambijenta. Drugo je prema Davoru Čičiću s obzirom da nam se plasira ovdje jedna lažna teza da je u svim drugim kantonima urađeno više na poboljšanju stanja stanja zaposlenika u javnom sektoru nego što je to u pitanju u našem Kantonu, te bih pitao kolegu Čičića da li je upoznat da li su, da li je i tamo sistemski poboljšana pozicija na način da su povećane plate svim uposlenicima u javnom sektoru, kakav je to slučaj u našim Kantonu? Molio bih da nas osim procentualno da nas upozna i sa ciframa u 2022. godini, koliko tačno su povećane plate i koliko je planirano da se te plate povećaju u 2023. godini? Mi smo čuli jasan stav Vlade da nisu u mogućnost s obzirom da se radi 27 miliona izdvojiti ih za ovu, za realizaciju ove inicijative za jednokratnu pomoć, ali su s druge strane ponudili i rade na sistemskom rješenju. Mi imamo sada ovdje dva koncepta: jednokratna pomoć ili sistemsko rješenje. Jednokratna pomoć je dobrodošla ali ova inicijativa sve kada bi prošla, kada bi dobila podršku zastupnika nije obavezujuća i zbog toga mislim da nema uopšte smisla za nju glasati s obzirom da smo čuli i od premijera i od Vlade, barem kroz medije i u izlaganju na prošloj sjednici da nije obavezujuća i da neće biti realizovana bez obzira na način kako će se izjasniti ova Skupština. Mislim da se radi o jednom proračunatom stvaranju sukoba na relaciji Skupština i Vlada zato što se radi o veoma populističkoj inicijativi, ukoliko je ne budemo ispoštovali ispast će da ovaj da ne poštujemo radnika, a ako je ispoštujemo ne poštujemo Vladu. Hvala. Izvinjavam zbog vremena ali oduzeo mi je kolega dvadesetak sekundi. Hvala.

Elvedin Okerić (Predsjedavajući)

Zahvaljujemo se zastupniku Avdiću. Za riječ se javio zastupnik Muamer Bandić.

Muamer Bandić (poslanik/zastupnik)

Selamim i pozdravljam sve prisutni, kao i one koji nas prate putem malih ekrana. Postavljam pitanje premijeru Vlade Kantona Sarajevo. Nezavisni odbor Skupštine Kantona Sarajevo je dana 15.08.22. Vladi Kantona Sarajevo i Ministarstvu unutrašnjih poslova Kantona Sarajevo uputio prijedlog za smjenu policijskog komesara iz razloga što policijski komesar ispunjava uslove za prestanak radnog odnosa prema članu 118 tačka d. Zakona o policijskim službenicima Kantona Sarajevo. Članom 49. Zakona o unutrašnjim poslovima Kantona Sarajevo je propisano da ukoliko postoji jedan ili više razloga ili uslova za pokretanje postupka za smjenu iz člana 48 istog Zakona Nezavisni odbor će posredstvom ministra dostaviti prijedlog za smjenu policijskog komesara Vladi Kantona. U stavu 2 istog člana stoji da Vlada Kantona Sarajevo je dužna da u roku 30 dana od dana prijema prijedloga Nezavisnog odbora razmotri dostavljeni prijedlog i da donese odluku o smjeni ili odbijanju prijedloga iz stava 1 ovog člana. Vlada Kantona Sarajevo je dana 3. 11.2022. godine donijela Odluku kojom se odbija prijedlog Nezavisnog odbora Skupštine Kantona Sarajevo da se policijski komesar

smijeni sa dužnosti u skladu sa članom 48 tačka h. Zakona o unutrašnjim poslovima Kantona Sarajevo a u vezi sa članom 118 stav 1 tačka d. Zakona o policijskim službenicima. Prvo pitanje za premijera zašto Vlada nije donijela odluku u propisanom roku? Drugo pitanje okolnost da Vlada nije obrazložila pravni stav koji je zauzela po pitanju prijedloga Nezavisnog odbora tražim od premijera odgovor zašto je prijedlog Nezavisnog odbora koji činjenično jako dobro obrazložen i na osnovu i na zakonu utemeljen, zašto ga je odbila, kako bih mogao pravilno da procijenim da li je Odluka Vlade utemeljena na zakonu? Hvala.

Elvedin Okerić (Predsjedavajući)

Zahvaljujemo se zastupniku Bandiću. Zastupnik Haris Zahiragić se javio za riječ.

Haris Zahiragić (poslanik/zastupnik)

Hvala predsjedavajući. Ja bih imao dva pitanja i inicijative za prošle sjednice za čije izjašnjavanje ću tražiti zapravo izjašnjavanje Skupštine Kantona Sarajevo. Pitanja: zašto nije nabavljeno oružje za MUP Kantona Sarajevo i Upravu policije uprkos činjenici da su ta sredstva predviđena a imajući u vidu političku situaciju u Bosni i Hercegovini, mislim da je vrlo opasno i vrlo zlonamjerno već par godina unazad sredstva predviđati u Budžetu Kantona Sarajevo a onda se ta sredstva ne realiziraju kroz nabavku oružja? Ovo je pitanje za ministra Katicu. Također pitanje za ministra Katicu ili za premijera kako se dogovore da odgovore, kada će biti nabavljene nove uniforme i obuća za policijske službenike jer policijski službenici hodaju poderanih čizmami. Ne treba mi nikakav izvještaj, vidim svaki dan kada izađem, kada vozim auto, ljudi na minusima s poderanim čizmama i starim uniformama stoje na minusima. Tako da mislim da to ne dolikuje Kantonu koji ima budžet milijardu i 300 miliona maraka.

Kada su pitanju inicijative koje smo zapravo podnijeli i predložili na prošloj sjednici Skupštine Kantona Sarajevo dobili smo odgovore Vlade Kantona Sarajevo. To su četiri inicijative. Prva je da se svim radnicima u Kantonu Sarajevo isplati 1080 maraka u skladu sa propisom koji je donijela Vlada Federacije, po uzoru na druge kantone, između ostalog gorazdanski, Bosansko-podrinjski Kanton koji ima hiljadu puta manji Budžet od Kantona Sarajevo.

Druga inicijative koju smo podnijeli jeste da se inflatorni rast pokrije subvencijom za cijenu energenata za grijanje s obzirom da su cijene enormno visoke da na takav način iz sredstava koja su čak i u ovoj godini u značajnoj mjeri ostalih koje planirate prenijeti u narednu godinu olakša inflacija za građane Kantona Sarajevo. Treća inicijativa koja je na tragu olakšanja građanima ali i na tragu efikasnog korištenje energije jer korisnici centralnog daljinskog grijanja Toplana otvaraju prozore i griju zrak u Sarajevu, što bi rekao kolega Zuhrić, tako da mislim da bi to bila jedna od najsvrsishodnijih mjera u vrijeme energetske krize koja Vlada cijelom Europom tj. da se uvedu mjerači i da penzioneri koji imaju stan od 50 kvadrata, gdje živi njih dvoje, kako je to sinoć u emisiji rekla kolegica Vedrana, ne moraju plaćati paušalno grijanje, ukoliko žele da obuku šlape, da obuku se toplije i tako dalje i da na takav način bi oni također mogli uštedjeti značajan dio sredstava. I četvrta inicijativa koju je također Vlada odbila sa neuvjerljivim obrazloženjem jeste da se za sve optužene u procesu Dobrovoljačka, Ministarstvo za boračka pitanja i Vlada Kantona Sarajevo obezbijedi sredstva za cijelu odbranu i za sve troškove obrane. Argument koji je Vlada iznijela je da su predviđena sredstva jesu za neke odbrane. Ministar je, to ga moram pohvali dao dio sredstava određenom broju optuženih, međutim smatram da ako uzmete u obzir činjenicu da je u toj optužnici član Predsjedništva Republike Bosne i Hercegovine, ministar, komandanti odbrane, generali, mislim da je to najbitnija, najbitniji politički proces koji se dešava protiv...

Elvedin Okerić (Predsjedavajući)

Vrijeme kolega Zahiragiću.

Haris Zahiragić (poslanik/zastupnik)

Evo dovršavam rečenicu, koji se dešava protiv političkog , vojnog rukovodstva Republike Bosne i Hercegovine, koji uprkos načelu "ne bis in idem" ne ponovno istom, Tužilaštvo Bosne i Hercegovine je povelu pred Sudom Bosne i Hercegovine i Kanton Sarajevo je dužan, ne samo radi tih pojedinaca, nego radi historije i radi istine svaku moguću marku dati u odbranu tih ljudi koji time brane našu čast. Hvala vam.

Elvedin Okerić (Predsjedavajući)

Hvala kolega Zahiragiću. Za riječ se javio zastupnik Elvis Vreto.

Elvis Vreto (poslanik/zastupnik)

Hvala predsjedavajući. Koristim priliku da pozdravim sve prisutne, kao i građane koji nas prate. Imam dva pitanja. Prvo pitanje za Ministarstvo saobraćaja. S obzirom da je kružni tok na Ilidži specifičan i po tome što kroz njega prolazi i tramvajski saobraćaj, postavljam pitanje šta Ministarstvo radi odnosno Javno preduzeće Gras da se zeleni val za motorna vozila produži na način da samo kada prolazi tramvajsko vozilo da se otvara semafor jer ove situacije u posljednje vrijeme nakon njegove rekonstrukcije i u prošlosti su nepodnošljive zbog gužvi koji se dešavaju u saobraćaju. Moje drugo pitanje se odnosi za Ministarstvo komunalne privrede. Obzirom da je dinamika radova na osnovnoj komunalnoj infrastrukturi na području opštine Ilidža dosta ubrzana u posljednje dvije godine zahvaljujući naravno i Ministarstvu komunalne privrede, postoje 3 projekta koje su čini mi se da je to dopisom i opština uputila prema Ministarstvu zahtjev za dodatnu podršku, a radi se o izgradnji glavnog kanalizacionog kolektora Rakovica, izgradnja kanalizacione mreže za dio naselja Osijek i za rekonstrukciju kanalizacione mreže na području Butmir, pa molim odgovor ako je moguće usmeni, ako ne, onda u pisanoj formi, da li Ministarstvo ima namjeru, da li je već reagovalo po pitanju dodatne podrške? Hvala predsjedavajući.

Elvedin Okerić (Predsjedavajući)

Zahvaljujemo se zastupniku Vreti. Dopredsjedavajući Vibor Handžić.

Vibor Handžić (Dopredsjedavajući)

Zahvaljujem predsjedavajući. S obzirom da se prvi put javljam, dobar dan svima, želim vam ugodan i prijatan rad. Ja ću reciklirati jednu svoju inicijativu koju sam podnio 14. 12. 2021. godine, s obzirom da kao i tada, sada nam predstoji ovaj tzv. budžetski period. Ja želim da se ovakva jedna stavka nađe u Budžetu Kantona Sarajevo za 2023. godinu. Inicijativa je upućena Ministarstvu finansija Kantona Sarajevo. Dakle ona glasi da se ubuduće taksene marke koje građani kupuju za potrebe usluga Opštinskog suda u Sarajevu i ze-ka ureda umjesto na trafikama izvan te zgrade kupuju na automatima koji će biti postavljeni u prostorijama navedenih institucija i naravno ovaj drugi dio koji se već naveo da se prilikom izrade Budžeta Kantona Sarajevo za 2023. godinu planira kupovina navedenih automata jer trenutna praksa koja se dešava po ovom pitanju, ne postoji ni jedno logično obrazloženje za nju sem što bespotrebno ljude maltretiramo i potpuno je besmislena. To je praksa koja je uvedena davno, evo ja insistiram da se ona sada promijeni.

Elvedin Okerić (Predsjedavajući)

Zahvaljujemo se dopredsjedavajućem Handžiću. Za riječ se javio zastupnik Kemal Ademović.

Kemal Ademović (poslanik/zastupnik)

Hvala. Cijenjeno rukovodstvo, koleginice i kolege zastupnici, premijeru i članove Vlade, dragi gledaoci Televizije Sarajevo sve vas srdačno pozdravljam. Dakle pokreće inicijativu da se, da Kantonalna inspekcija u okviru svojih nadležnosti kao kantonalno Ministarstvo unutrašnjih poslova poduzme dodatne napore u cilju sprječavanja, prevencije distribucije i nelegalne prodaje pirotehničkih sredstava, kao i korištenje istih, jer smo svjedoci da je to sigurnosna prijetnja po najmlađe. Korištenje tih pirotehničkih sredstava svake godine ima svoje posljedice u vidu sakaćenja dijelova ekstremiteta i vidio sam jedan primjer očiju. Dakle i pored toga, u kasnim noćnim satima odjekuju detonacije, ja se osjećam kao '93, dakle pa bih molio da se odmah sada poduzmu dodatne aktivnosti dakle ovi navedeni organa jer je to u njihovoj isključivoj nadležnosti.

Drugo, htio bih bi da postavim pitanja. Naime na protekloj, do zaključenja protekle sjednice Skupštine Kantona Sarajevo, ja i zastupnik Rusmir Pobrić podnijeli smo inicijativu koja se odnosi na pomoć dakle najugroženijim kategorijama stanovništva. Nismo je ovdje pročitali iz razloga zato što se puno kopaljalo slomilo i puno se potrošilo vremena na inicijativa prethodna koja je bila od kolega iz ovih zadnjih klupa. Dakle pa bih da pitam Vladu da li je razmotrila ovu našu inicijativu i kakav je njihov stav, da znamo da li ćemo tražiti izjašnjanje dakle Skupštine o ovoj inicijativi. A svakako ako dođe do izjašnjanja da bi je kopirali, umnožili, podijeli zastupnicima u klupama. Hvala.

Elvedin Okerić (Predsjedavajući)

Zahvaljujem se zastupniku Ademoviću. Zastupnik Faruk Kapidžić se javio za riječ.

Faruk Kapidžić (poslanik/zastupnik)

Zahvaljujem predsjedavajući. Evo pošto je ovo novi saziv ovaj Skupštine ja podnosim inicijativu da se Skupština izjasni o zahtjevu prema Vladi Kantona da se ovoj Skupštini i svim poslanicima ustupi Ugovor na uvid o Expo 2021 u Dubaiju prave i kompletan troškovnik, odnosno uplate sredstava. To je iz razloga zato što je jedini argument zašto to nije bilo do sada dato, to je zato što je ugovorom vezano do isteka i isplate toga. Obzirom da je to završeno negdje koliko sam upratio u julu, ovaj zahtijevam da se izjasnimo po toj inicijativi da se ustupi taj ugovor, pogotovo zato što ste najtransparentnija Vlada do sada ikad. A ako se, ako se, ako bude negativna ovaj negativno glasanje po ovoj inicijativi onda zahtijevam pismeni odgovor od Vlade Kantona da im se odgovori zašto se to ne ustupa. Hvala.

Elvedin Okerić (Predsjedavajući)

Zahvaljujem se zastupniku Kapidžiću. Zastupnica Admela Hodžić se javila za riječ.

Admela Hodžić (poslanik/zastupnik)

Zahvaljujem predsjedavajući. Lijep pozdrav svima. Moje pitanje upućujem ministru zdravstva gospodinu Vrančiću. Pitanje se odnosi na specijalizante ovaj koji su završili u vezi njihovog zapošljavanja u sektoru zdravstva nakon provedenih specijalizacija jedan broj specijalizanata je na birou. Da li je Ministarstvo zdravstva dobilo zahtjev za davanje saglasnosti za

zapošljavanje? Riječ je o desetak specijalizanata. Ako jeste kada će odlučivati po ovom pitanju? Zahvaljujem.

Elvedin Okerić (Predsjedavajući)

Zahvaljujemo se zastupnici Hodžić. Za riječ se javio zastupnik Davor Čičić.

Davor Čičić (poslanik/zastupnik)

Zahvaljujem predsjedavajući. Pozdravljam sve kolegice i kolege zastupnike, članove Vlade, premijera i sve naše građanke i građane koji gledaju ovu sjednicu preko Televizije Sarajevo. Ja bih postavio dva pitanja. Prvo je pitanje za premijera i članove Vlade kako se da se dogovore da nam pobroje sve subvencije koje su date u tekućoj 2022. godini građanima Kantona Sarajevo, a koje prije nisu bile tretirane, nisu bile aktuelne u odnosu na drugu na prijašnje godine. I moje drugo pitanje a želio bih da postavim Sekretarijatu Skupštine, a da mi dostave pismeno, odgovor koji su zastupnici a koji obavljaju druge funkcije, tražili isplatu paušala za svoje djelovanje. Hvala.

Elvedin Okerić (Predsjedavajući)

Zahvaljujem se zastupniku Čičiću. Ovim smo završili postavljanje pitanja i podnošenje inicijativa. Zamolio bih ministre u Vladi da ponude odgovore na postavljena usmena pitanja. Evo premijer Edin Forto prvi. Izvolite imate riječ.

Edin Forto (premijer)

Predsjedavajući. Ja imam odgovore na izjašnjavanje Vlade po pitanju nekih inicijativa koji su danas spomenute, prošli put pokrenute, a nisam siguran je li bilo zahtjeva za usmeni odgovor po današnjim pitanjima. Jest. Dobro nek idu onda prvo usmeni odgovori, onda ću ja izaći sa ovim.

Elvedin Okerić (Predsjedavajući)

Zahvaljujemo se premijeru. Ministar Admir Katica je dobio dva pitanja, odnosno vaše pitanje kolega Zahiragiću je li bilo za ministra unutrašnjih poslova?

Admir Katica (ministar)

Ja se zahvaljujem. Ja sam i na, želim ustvari na početku sve da vas srdačno pozdravim, uvažene zastupnice i zastupnike, sve građanke i građane Kantona Sarajevo sve koji nas prate na različite načine danas na ovoj sjednici Skupštine Kantona Sarajevo. Vezano za vaše pitanje gospodine, uvaženi zastupniče Zahiragić ja mislim da sam već u ponedjeljak otprilike dio onoga odgovorio, onoga što je moja nadležnosti kao ministra unutrašnjih poslova a odnosi se na nabavku oružja i nabavku uniformi i svega onoga što je to predviđeno Budžetu Kantona Sarajevo za 2022. godinu, ali evo nije zgoreg podsjetit ću vas da je u Budžet evo samo Uprave policije Ministarstvo unutrašnjih poslova Kantona Sarajevo za 2022. godinu bio gotovo 100 000 000 konvertibilnih maraka. To istorijski najveći Budžet Uprave policije. Samo u dijelu opremanja Uprave policije to je iznos od 22 318 000, a evo usporedi sa 2020. godinom to je tada bila 9 148 000. Dakle 22 miliona u odnosu na 9 miliona 2020. godine. Ja sam dobivao informacije iz Uprave policije koje se odnose na nabavku i oružja i uniformirane policije s obzirom da je kao što znate prema našim, prema uspostavljenom sistemu, zakonskom sistem po pitanju policije, Uprava policije operativno i finansijski samostalna u svome radu, pa tako

u finansijskom smislu Uprava policije raspisuje javni tendere i Uprava policije upravlja tim potpuno tim procesom. Prema onim, prema obrazloženju vrlo nisko izvršenja budžeta u ovom dijelu kaže se da su u pitanju uglavnom razlozi komplikovanih javnih procedura, odnosno javnih tendera, koje su kompleksne i dugotrajne, a rokovi isporuke su značajno duži nego kao kod ostale opreme. Oni dalje preduzimaju aktivnost na tom polju i po pitanju nabavke uniformi također je u ovom Budžetu od strane Vlade Kantona odnosno na prijedlog MUP-a Kantona Sarajevo osigurano 1 000 000 i preko 1.600.000 konvertibilnih maraka za nabavku uniformi, ali kao što sam već ranije rekao uslijed različitih okolnosti Uprava policije i Sindikat policije su se dogovorili da se trenutno ne ide u tu nabavku te uniforme, već da se čeka donošenje Uredbe o jedinstvenoj policijskoj uniformi na nivou Federacije Bosne i Hercegovine, koja će značiti mnogo kvalitetniju i bolju uniformu za potrebe policije, pa je te jedna racionalna odluka policijskih profesionalaca po ovom pitanju, ali ono što je bitno da je Vlada Kantona Sarajevo osigurala sredstva za tu za tu namjenu. Ja sam još imao pitanje uvaženog zastupnika Kemala Ademovića vezano za distribuciju odnosno za problem pirotehničkih sredstava na području Kantona Sarajevo. Ja vas mogu informisati da je Uprava policije odnosno i ja sam dobio informaciju od Uprave policije da je u toku preduzimanje preventivno represivnih akcija po ovom pitanju po pitanju rasparčavanja i to u saradnji sa Upravom za inspeksijske poslove, dakle raspračavanje pirotehničkih sredstva i uopće upotrebe pirotehničkih sredstava, radi se jedna preventivna akcija podjele letaka na ulicama grada Sarajeva i upozoravanje svih da je da je kažnjavanje po tom pitanju od 300 do 900 konvertibilnih maraka za one koji upotrebljavaju pirotehnička sredstva, a za roditelje koji su odgovorni za svoju maloljetnu djecu ta kazna je od 400 do 1200 konvertibilnih maraka. Postoji poseban plan represivnih aktivnosti policije donesen za ovu svrhu. Tim procedurama svim rukovodi policijski komesar. Ono što ja mogu informisati dakle da ćemo i ovu inicijativu prenijeti i traži da se pojača pojačaju aktivnost u ovoj oblasti kako bi se osjećaj sigurnosti građana za vrijeme novogodišnjih praznika podigao na veći nivo. Hvala.

Elvedin Okerić (Predsjedavajući)

Zahvaljujemo se ministru Katici. Zastupnik Haris Zahiragić, nezadovoljstvo odgovorom. Izvolite.

Haris Zahiragić (poslanik/zastupnik)

Pa iskoristio sam tu priliku pošto nemam drugu mogućnost. Kada je u pitanju nabava oružja i kada je u pitanju činjenica da je Uprava policije potpuno finansijski nezavisna, a evidentno u proteklih par godina od kada je takva, mislim da ne vrši svoju svrhu na adekvatan način. To je dokaz da nikada Skupštine Kantona Sarajevo nije smjela u finansijskom i pravnom smislu potpuno izopćiti Upravu policije od kontrole civilne, pa ako hoćete i zakonodavne vlasti. S tim u vezi podnijet ću inicijativu za izmjene i dopune Zakona o unutrašnjim poslovima, da vratimo Upravu policije u jedan sistem u kojem ministar neće moći svaki put kada nešto pitamo za Upravu, reći da za to nije nadležan. Kada je drugo pitanje u pitanju je li, ili odgovor na drugo pitanje, ministar Katica je spomenuo Uredbu, već nekoliko puta kad govorimo o uniformama spominje Uredbu Federalnog ministarstva unutrašnjih poslova, pa evo ja bih zamolio kolegu Čamparu koji je već 7 godina, 8, 9 ministar unutrašnjih poslova naš je kolega u Skupštini i njegov stranački kolega zamoli da konačno ode na posao i napiše tu Uredbu od deset članova kako bi naši policajci mogli nositi uniforme. Dakle to je prava adresa, hvala vam ministre

Katice na hrabrosti da adresirate krivca zašto naši inspektori hodaju, policajci hodaju u poderanim i prljavim uniformama. Hvala vam.

Elvedin Okerić (Predsjedavajući)

Hvala kolega Zahiragiću. Da li ima još neko od zastupnika da je tražio. Ministar Enver Hadžiahmetović, izvolite imate riječ.

Enver Hadžiahmetović (ministar)

Hvala. Imao sam dva pitanja.

Prvo pitanje je od zastupnika poštovane zastupnice Kristić, dakle vezano je za Toplane i vezano je za mogućnost isključivanja dakle isključenja građana sa sistema toplotnog sistema. Vi znate da imamo velikih problema, u pitanju su dakle tzv. vertikalne gdje čak u jednom stanu ne dolaze dakle grijanja iz jedne iz jedne vertikalne cijevi, tako da je tehnički u nekim zgradama jako teško uraditi, međutim evo Kantonalno javno komunalno poduzeće Toplane su formirali svoju jednu komisiju i oni rade na izradi jednog pravilnika koji će isključivo dakle postupati po ovom zahtjevima građana. Dakle imat ćemo tu mogućnost da tamo gdje je moguće da se izvrše isključenje pojedinih građana da to uradi se po pravilniku koji će biti vrlo brzo na stolu dakle donesen. Drugo pitanje je od gospodina zastupnika Vrete, vezano je za kanalizacione sisteme na Ilidži. U pitanju je Rakovca, Osijek, Butmir. Mi kao Ministarstvo i nadležno preduzeća KJKP "ViK" upoznato je s ovim projektima već duže vremena, mi smo davali neka rješenja kada se tiče samog Butmira kojim je, kojim dijelom treba da ide imajući također složenost ovog posla. Za Rakovicu također smo već učestvovali jednim dijelom. Mi smo spremni dakle na sve, na investiranja tamo u skladu sa našim da kažemo raspoloživim sredstvima ali općina Ilidža dakle svake godine može da učestvuje na našem javnom pozivu po programu da dobiju određena sredstva i nadamo se da će tačke koje budu poslane nama zahtjev biti upravo ove tri trase kanalizacione, tako da ono što je dodatno, što više od toga, dakle u ovom trenutku ja zaista ne znam sa kojim ćemo sredstvima raspolagati. Hvala.

Elvedin Okerić (Predsjedavajući)

Jel ima još neko od ministara da se javlja na odgovor usmeni? Kome ste postavili? Premijeru izvolite.

Edin Forto (premijer)

Dobar dan svima. Na prošloj sjednici uputili ste i neke inicijative o kojima ćete tražili izjašnjavaње, ali imajući u vidu da su potrebna budžetska sredstva za neke inicijative potrebno je da se Vlada izjasni o istima. Vezano za odbranu finansiranja troškova odbrane za sve optužene braniocе, to je uputio gospodin Zahiragić, ova inicijativa se, ne prihvata inicijativa zastupnika u Skupštini Kantona Sarajevo Harisa Zahiragić postavljena na Prvoj radnoj sjednici Skupštine Kantona Sarajevo. 28. 12. u vezi obezbjeđenja finansijskih sredstava za finansiranje svih troškova obrane za sve optužene braniocе pred Sudom Bosne i Hercegovine u predmetu Dobrovoljačka. U obrazloženju: Vlada Kantona Sarajevo preko Ministarstva za boračka pitanja sistemski pomaže vrši sufinansiranje pravne pomoći u korist branilaca BiH te tokom 2022. godine za ovu namjenu isplaćeno 537 000 maraka. Suštinski svi koji su se obratili i koji mogu dobiti ovu pomoć su dobili pomoć i nema razloga da se izdvaja bilo ko od branioca kojima je potrebna asistencija u finansiranju pravne pomoći. Sledeći, sljedeće inicijativa. Ne prihvata se inicijativa zastupnika u Skupštini Harisa Zahiragića upućene na radnoj sjednici 28. 12. u vezi

utvrđivanja adekvatnog programa subvencija za energente u procentualnom iznosu koji prati rast inflacije a imajući u vidu poskupljenja svih energenata i ukupno inflaciju. Vlada Kantona Sarajevo u toku 2022. godine, u skladu sa raspoloživim budžetskim sredstvima, u više navrata subvencionirala troškove poskupljenja energenata. Ja ću pozvati ministre, nakon što odgovorim na sve ove inicijative, koji osjete potrebu da dodatno obrazlože, ja ću vam samo reći da smo najugroženijim kategorijama osobama sa minimalnom penzijom, osobama koja po raznim osnovama imaju pravo na pomoć sa Ministarstva za socijalnu pomoć, također najugroženijim boračkim kategorijama na ime samo ovoga povećanja troškova energenata isplatili već 100 maraka do Nove godine što je pokrilo oko 40 000 korisnika i iz Budžeta izdvojeno za ovu namjenu samo 4 miliona maraka. Vlada otvara mogućnost i mi ćemo to budžetirati za sljedeći Budžet da za prva dva mjeseca sljedeće godine nastavimo ovu pomoć za najugroženije kategorije. Pored toga neke od drugih subvencija mogu spomenuti da smo samo za troškove plina koji je više od duplo poskupio u odnosu na novembar 2021. godine imali smo subvencija u iznosu 13 miliona maraka iz budžeta i razne druge. Pozivam također nakon što završim sve ove odgovore da pojedini ministri koji osjete potrebu da obrazlože što je sve učinjeno po ovim inicijativama do sada, posebno u 2022. godini. Sljedeća inicijativa. Samo sekund. Također vezano za ovu pa ću ih spojiti, bila je inicijativa koju je pomenuo zastupnik Ademović. Djelomično se prihvata inicijativa zastupnika u Skupštini Kantona Sarajevo Kemala Ademovića i Rusmira Pabrića na istoj sjednici 28. 12. u vezi izdvajanja najvećeg mogućeg iznosa iz Budžeta Kantona Sarajevo koji neće ugroziti stabilnost Budžeta te raspodjelu najugroženijim kategorijama stanovništva. Znači ovdje se također radi o najugroženijim kategorijama stanovništva i mi smo nakon konsultacija donijeli odluku da ćemo Vlada Kantona Sarajevo će donijeti program o isplati jednokratna pomoć u iznosu od 100 konvertibilnih maraka dugoročno nezaposlenim osobama koji su na evidenciji Službe za zapošljavanje 9 ili više godina, kao i nezaposlenim pripadnicima boračke populacije koji su nezaposleni duže od godinu dana, kao i primateljima novčane naknade, a to su oni na socijalno najugroženiji primaoci pomoći u u Kantonu Sarajevo. Ova će, usvajanje ove ovakve inicijative u ovom obliku će iz budžeta biti uloženo oko 2 miliona maraka do kraja ove godine, suštinski sa ovom budžetskom godinom. Znači djelomično prihvatamo ovu inicijativu i obraćamo se na ovaj način najugroženijim kategorijama stanovništva. Također vezano za centralno grijanje, to ću kratko. Ne prihvata se inicijativa zastupnika Harisa Zahiragića u vezi pokretanja projekta uvođenja mjerača svim domaćinstvima koja su u sistemu centralnog grijanja s ciljem ukidanja paušalnog plaćanja. Vlada Kantona Sarajevo usvojila odluku o usvajanju tarifnog sistema davanja usluge Toplane kojim je definisano da će na osnovu izmjerene utrošene energije na obračunskom mjernom mjestu tj. zajedničkom individualnom mjerilu toplotne energije implementira će se postupno, a najkasnije do 1. 1. 25. godine. Mi smo suštinski već donijeli odluku da idemo u ovo. Tamo gdje je bilo moguće je negdje već izvršeno. Znači postoji odluka u kojoj mi idemo zamjene i rok je do 1. 1. 2025. godine Tačno je da smo mi par puta održava produžavali ovaj rok, ali kao što je ministar spomenuo postoje neke tehničke prepreke da se ovo jednostavno izvede, posebno odnos jednocjevnog, višecijevnog sistema. Oni koji se time bave znaju da na nekim mjestima jednostavno je teško a na nekim nemoguće ugraditi individualne mjerači na način koji je zatraženo. I na kraju, ova inicijativa o kojoj se puno govori posebno imajući u vidu reakcije koordinacija sindikata svih zaposlenih koji primaju platu iz budžeta, kao i sindikata koji su im se pridružili koji ne primaju platu iz Budžeta ali su kantonalmom sistemu poput komunalne privrede, ne prihvata se inicijativa zastupnika u Skupštini Kantona Sarajevo Mahira Devića ispred kluba SDA sa ove iste sjednice 28. 12. a u

vezi isplate pomoći radnicima u Kantonu Sarajevo u iznosu od 1080 maraka, uz obrazloženje da u Budžetu za 2022. nisu obezbijeđena sredstva za isplatu ove pomoći. Prije nego što pozovem ministre da dodatno obrazlože ne na neki način, ja ne znam tačno na koji u javnosti se ponavlja teza da u godini krize ako postoje slobodna sredstva, na primjer ko što je Vlada Federacije na kraju godine probudila se sa 200 miliona suficita, znači oni su upravljali cijelu godinu i na samom kraju godine u izvještaju su rekli evo imamo 200 miliona suficita. Odgovorna Vlada se ne probudi zadnji dan godine sa viškom novca. Odgovorna Vlada vraća novac građanima. To se tako radi. 200 miliona suficita umjesto da je to vraćeno građanima u godini krize. Vrlo dobro znamo i svi koji se bave ovim znaju da su svi budžeti narasli u ovoj godini zbog inflatornih pritisaka, rasta cijena, rasta plata, rasta troškova života. Budžeti su veći. Vlada Kantona Sarajevo kada smo usvajali budžet za 2022 mi smo planirali ovo povećanje i rasporedili ga pravima, zakonima, intervencijama poput subvencija. Mi smo te novce već vratili građanima, nismo se probudili danas sa novcem recimo 20 miliona da isplatimo neku jednokratnu pomoć. Također želim reći da postoji također jedna teza u javnosti koju najviše zagovaraju sindikati, koordinacija sindikata, koju ja razumijem jer njihov je posao da se bore za unapređenje primanja radnika koje oni predstavljaju a to je i da imamo ovu mogućnost, da taj novac pripada samo njima. I mi smo danas kroz usvajanje djelomično usvajanje inicijative zastupnika Pobrića i Ademovića odgovorili i da imamo sada sva ta sredstva i da je tu nekih 20 miliona ili 120 miliona, to bi išlo nezaposlenima, to bi išlo penzionerima sa najnižom platom, to bi išlo ljudima koji primaju socijalnu pomoć, koji nemaju druge izvore prihoda, to bi išlo najugroženijim kategorijama. Ljudi koji primaju platu sa Budžeta u Kantonu Sarajevo nisu najugroženija kategorija. Svi koji to kažu ne prate makroekonomska kretanja. I na kraju još jedna stvar, Vlada Kantona Sarajevo povećanjem osnovice 1.1.2022. godine, izmjenama kolektivnih ugovora većini radnika koji primaju platu sa Budžeta uključujući komunalnu privredu, uključujući cijeli zdravstveni sistem gdje smo sa 3 reprezentativna sindikata zaključili kolektivni ugovor, uključujući državne službenike, policiju i obrazovanje, rast njihovih plata od trenutka kada smo povećali osnovicu pa kroz kolektivne ugovore u drugom koraku tokom godine i 5 % koje ćemo dati povećanjem boda, nećemo dati nego ćemo budžetirati u sljedećem Budžetu, to smo rekli, odluka je donesena, rast plata je iznad rasta inflacije. Prosječna plata nastavnika učitelja u nastavi razrednoj je između 21 i 29 % rasta. Zvanična inflacije je na 16 %. Evo da kažem da je između 15 i 20 %. Također jedan policajac će imati minimalno povećanje od 18 % u ovom istom periodu. Medicinska sestra će imati 23 % u ovom periodu. Pokušavam. Zahvaljujem. Izvinjavam što sam malo duže, ovo je jako osjetljivo pitanje. Ne želim da bilo ko u Kantonu Sarajevo pomisli da Vlada Kantona Sarajevo ukoliko bi imala ova sredstva ne bi rasporedila sredstva nazad građanima najugroženijima, pa na kraju zašto ne i onima koji primaju platu sa Budžeta, s tim da smo mi to prateći inflaciju već radili u dobrom dijelu. Ko će reagovati za rast inflacije za privatni sektor? Ko će reagovati za rast inflacije za najugroženije u smislu onih koji su na birou za zapošljavanje ili onih koji nemaju sigurnost koju imaju svi naši zaposleni koji su na Budžetu a kojima smo ispratili rast inflacije i to brojevi vrlo jasno pokazuju. I sada će vam reći jedan podatak u ovoj godini na rast plata u Kantonu Sarajevo iz budžeta izdvojeno 70 miliona maraka više nego godinu prije.

I nismo nikad izašli rekli evo mi smo sada prebacili veliki novac administraciji budžetlijama itd nego smo pratili odgovorno inflaciju. To su inflatorna povećanja. Potpuno smo svjesni da je inflacija bila udar na sve građane a ne samo najugroženije, pa i na one koji primaju platu sa Budžeta .70 miliona maraka u 2022. na plate više nego godinu prije. I sa ovim obećanjem koje smo napravili koje ćemo Budžetirati a vi ćete imate priliku da to izglasate kroz novi Budžet

dodatnih 25,7 miliona za ljude koji primaju platu iz budžeta. Pitajte komunalni sindikat koliko dugo su čekali na povećanje plate i koje sve Vlade su imale priliku to da urade a koja Vlada povećavala kroz kolektivni ugovor njima primanja. Pitajte ih. Pitajte koja Vlada je radnicima u obrazovanju povećala platu više nego drugima kako bi sustigli činjenicu da visoko obrazovani radnici u obrazovanju, osobe sa masterima, sa dugogodišnjim iskustvom imaju platu kao neki majstor u Toplanama ili Sarajevogasu. Ko ispravlja ove stvari koje smo mi naslijedili, a koje su se gomile prethodnih 15 ili 20 godina. Kada vam sindikati kažu da su nezadovoljni, možemo ih svi razumjeti jer je standard ugrožen. Ali kada kažu da nisu dobili nešto onda moramo malo ući dublje u brojeve. Ja vas molim sada da saslušamo samo neke od stvari koje smo uradili, pritom ovo nisu jednokratne stvari, sva povećanja koje sam nabrojao su trajna povećanja. Jedna mjera npr koja je kroz zakon uvedena, a to su to je mjera o porodiljama, koliko ona košta.

I mi ne mislimo da je to trošak , mi mislimo da je to ulaganje u našu budućnost. Pozivam zastupnika i ministra da nam samo da malo analizu u smislu plata da nam ministrica Prvulović da samo kratku analizu da vidite gdje su utrošena sredstva jer kao što je prošli put zastupnik Dević rekao, zašto se hvalite da ima para kad se ne krade, gdje su pare. Osjetimo potrebu da kažemo gdje su, osim ovih 70 miliona maraka za koje sam rekao da smo uvećali za plate zaposlenima na budžetu u odnosu na prethodnu godinu. 70 miliona jedna stavka.

Ministre Čičiću, ministrice Prvulović, drugi ministri po potrebi, definitivno ministrica Hota-Muminović, ovo neće dugo trajati, ali ja vjerujem i po ovim inicijativama je jasno predsjedavajući da je ovo goruće pitanje i molim vas da nam date vremena da ovo, naravno u nekom demokratskom duhu, da nam dozvolite da kažemo i odgovorimo na sve ono što ste nas pitali, bez ovih prekidanja i upadanja koja meni lično ne smetaju, ali možda nekome zasmetaju. Hvala.

Elvedin Okerić (Predsjedavajući)

Hvala premijeru. Ministar Davor Čičić. Kako želite.

Davor Čičić (ministar)

Zahvaljujem predsjedavajući. Kao što je premijer već rekao, neću se sad ponavljati, znači u odnosu na prvih 11 mjeseci prošle godine izdvajanja za plate znači budžetskih radnika koji primaju plate iz Budžeta Kantona Sarajevo, znači direktno iz Budžeta Kantona Sarajevo, su veće za 57.353.000 konvertibilnih maraka. Na to se još dodaju povećanje plata koja je Vlada subvencionirala znači prema preduzećima iz komunalne djelatnosti, a koje ne primaju plaću direktno iz Budžeta Kantona Sarajevo, tako da je to ukupno povećanje za prvih 11 mjeseci u odnosu na prvih 11 mjeseci prošle godine bilo oko 70, za preko 70 000 000 maraka i naravno po isplati plaće za 12. mjesec to će biti značajno veće. Ono što još želim da naglasim mi smo kada smo došli kao ova Vlada zatekli smo preko 50 miliona maraka tužbi radnika iz radno pravnih odnosa u periodu od zadnjih 15 godina. To je nešto što nas je kao Vladu jako ograničavalo u kontekstu toga da neke druge stvari rješavamo i povećavamo, ali smo krenuli jasno da taj problem moramo riješiti i na osnovu toga smo donijeli akcioni plan na Vladi da sva ta potraživanja radnika iz radnopravnih odnosa koji su bili oštećeni za vrijeme mandata prethodnih Vlada isplatimo u narednih 5 godina. Mi smo to ozbiljno krenuli, tako da smo ove godine znači samo ove tekuće 22. godine isplati 22,5 milijuna maraka, što kroz zakonsku obavezu za isplatu onih 0 3 % koji nam je zakon propisao, mi smo preko vanskudske nagodbe o odricanju kamata znači ukupno sve zajedno isplatili 22,5 milijuna konvertibilnih maraka.

Nažalost još je veliki iznos koji opterećuje Kanton Sarajevo po pitanju tih presuda i svake godine dođe između 6 i 7 miliona glavnice novih presuda koje stalno i stalno opterećuju budžete Kantona Sarajevo iz prethodnih perioda. Znači već sada preko 30 000 000 maraka imamo duga po osnovu tih glavnice znači bez obračuna kamate jer kao što znate kamate se obračunavaju na dan isplate tih potraživanja. Ono što želi da kažem, rast cijene energenata lijepo nije pogodilo, pogodilo je rad svih znači kantonalnih institucija i znači samo za prvih 11 mjeseci preko 10 000 000 maraka je više moralo se platiti po osnovama izdataka za energiju, nabavke materijala, a sve u u svrhu znači neometanog rada institucija Kantona Sarajevo. Znači sad te povećanje cijena su pogodili, a sve to nije bilo u tom momentu budžetirano i preko 10 miliona maraka smo morali potrošiti više za te osnove. I Ono što moram da kažem vezano za povećanje cijene energenata, evo konkretno za povećanje cijene gasa, znači cijenu gasa znate ko određuje, Vlada Federacije određuje cijenu gasa koje kasnije spusti prema prema nižim nivoima. Mi u tom čitavom, u čitavom tom priči znači Vlada Federacije utvrdi cijenu koju predloži Energoinvest, na tu se cijenu, oni odobre tu cijenu, na tu cijenu maržu ugradi Energoinvest koji je isto federalna institucija, onda se to prenesene na BH gas, onda se BH gas opet sa nekom maržom ugradi i dalje šalje cijenu prema Sarajevogasu i u čitavom tom kontekstu situacije znači svo to povećanje koje je nametnula Vlada Federacije kroz i dodatno to maržiranje treba da snosi Kanton Sarajevo i građani Kantona Sarajevo. U isto vrijeme ta Vlada koja nakon one nakon ovih priča koje smo imali prošli put gdje je nacrt, šta je nacrt, ta ista Federalna Vlada juče donese Prijedlog budžeta po hitnom postupku od skoro 7 milijardi maraka. I sad ja vas pitam znači ovdje mi ćemo zastupati, mi ćemo raditi, mi ćemo predati nacrt. Znači ta ista Vlada ono, sve ono što ste vi pričali prošli put učini kontra, odnosno suprotno. Ta ista Vlada u tom Prijedlogu budžeta iskaže suficit 200 000 000 konvertibilnih maraka. Kad imate suficit 200.000.000,00 KM, zašto eto kao s ljudske strane nisu iskazali i dali subvenciju za te cijene gasa, a imali su mogućnost da ne povećavaju cijene tog gasa koju su oni odredili koja će cijena na način da taj dio suficita preusmjere i da tu cijene ne povećaju građanima Kantona Sarajevo.

Znači po ovome ispada da građani Kantona Sarajevo možda nisu onaj stanovnici Federaciju. Znači zna se da 90 % gasa koji se troši u Bosni i Hercegovini troši se u, možda ne 90, ali 80 do 85 sigurno u Kantonu Sarajevo. Znači neko iskaže suficit, vamo povećava cijene gasa građanima Kantona Sarajevo, a pri tom vam kroz Zakon o pripadnosti javnih prihoda oduzme 100 miliona maraka koje smo mi mogli utrošiti i na te subvencije i na ostale subvencije građanima koje su mogli. Znači mogli bi o ovome još puno toga raspravljati ali ono sve što smo se eto pričom zalagali za prošli put samo eto jednom, jednom odlukom, jučerašnjom odlukom Vlade Federacije znači Prijedlog budžeta po hitnom postupku, koji je isto tako u tim raspravama bilo priče evo obratite u istom tom Prijedlogu budžeta po hitnom postupku ukoliko se povećava dug Federacije kroz taj Budžet i otplate duga kroz taj Budže. Znači preko milijardu maraka se povećava dug a vi nas ovdje optužujete da mi se prekomjerno zadužujemo. Znači dug Kantona Sarajevo, postoji Zakon o dugu i zaduživanju Federacije gdje jasno kaže da maksimalan dug može biti 10 % od servisa duga u prethodnoj godini. Trenutno je Kanton Sarajevo zadužen 5,6 %. Znači mi ne da nismo prezaduženi, nego imamo još prostora da se zadužujemo, a mi smo sve naš dug koji smo napravili, napravili smo za kapitalne projekte i za boljitak građana Kantona Sarajevo. Još jednom, još jednu stvar što kaže, evo danas imamo na sjednici i tačke po pitanju boračke populacije, kad smo već kod tog duga. Znači mi smo se prošle godine zadužili 8 miliona i ove godine 12 000 000 maraka za rješavanje stanova za pripadnike boračke populacije kojima je to pravo, koji su uvedeni u to pravo od 2008 godine

do sada im je to pravo bilo uskraćivano. Znači mi smo se potrudili i našli načina, pa i kroz zaduživanje da tim ljudima omogućimo da dobiju ono što im pripada, što im je Zakon dao mogućnosti i što im pripada. I ovim putem želio bih pohvaliti ministra Osmanovića na svom trudu i želji da ovaj problem riješi jer znamo koliko smo imali problema i truda da ovo riješimo i svaka čast ministru nadam se da ćemo danas usvajanjem svih ovih tački po pitanju rješavanja stambenog pitanja boračke populacije da ćemo i to, da to famozno pitanje 198, čini mi se 198 ljudi koji imaju to pravo da će mi to napokon riješiti, a između ostalog to smo riješili tako što smo uzeli kredit 20 000 000 maraka kroz ovo. Još jednu stvar da vam kažem, znači u prethodnom periodu zaduživanje je bilo vrlo jeftino. Mi smo kroz prethodno zaduživanje znači ostvarivali kamate fiksne kamate po 1,5 % znači to u narednom periodu će biti naučna fantastika. To se više nikada neće desiti. Već je inflacija pojela tu kamatu za koju smo se mi onaj zadužili. Mi ćemo teoretski po vrijednosti novca kada vratim taj kredit vratiti manje nego što smo nego što smo uzeli. Tako, a isto tako evo po pitanju i ove Federacije koja je iskazalo znači povećanje duga za milijardu maraka, ja kažem kao ministar i kao čovjek, ja smatram treba da ide u to zaduživanje, ja podržavam Vladu Federacije da idu u zaduživanje za kapitalne projekte koji će biti od interesa svih građana Federacije i neka idu. I dok dok se može iskoristiti da se može povoljno zadužiti ja ih u tome, ja kao ministar ih podržavam, ali za one projekte koji će donijeti benefite svim građanima Federacije i neka idu i nek što prije sve te kapitalne projekte izgrade da svima nama bude bolje, a ne da populistički pričamo priču neko je prezadužen ili nije prezadužen. Zna se šta su parametri zaduženosti, šta nisu parametri zaduženosti i evo i pored takvog budžeta ja smatra ako će te pare Vlade Federacije biti iskorištene i za Kanton Sarajevo za unapređenje kapitalnih projekata u Kantonu Sarajevo ja ih apsolutno podržavam i neka idu i neka onaj završe sve projekte koje su počeli, ali nikada ne bih podržao da se to zaduživanje radi za neke tekuće transfere, za neke tekuće troškove, pa ni za plate. Zahvaljujem.

Elvedin Okerić (Predsjedavajući)

Ministrica Ivana Prvulović, izvolite imate riječ.

Ivana Prvulović (ministrica)

Zahvaljujem se predsjedavajući. Obzirom da se prvi put obraćam Skupštini u aktuelnom. Zahvaljujem se predsjedavajući. Obzirom da se prvi put obraćam Skupštini u ovom sazivu iskoristila bih priliku da svim zastupnicama i zastupnicima čestitam mandat i također rukovodstvu Skupštine, sve vas srdačno pozdravljam. Nastavno na izlaganje premijera Forte i pitanja uvažene zastupnice Pekić i uvaženog zastupnika Čičić osvrnula bih se na aktivnosti resornog Ministarstva kojim rukovodim i Vlade Kantona Sarajevo koji su imali direktan efekat na povećanje kućnih budžeta građana Kantona Sarajevo u 2022. godini. Nakon što smo ukinuli određena ograničenja za ostvarivanje prava na dječji dodatak, uveli dječji dodatak za porodice sa troje i više djece, izjednačili porodiljske naknade za zaposlene i nezaposlene porodilje i povećali ih na iznos prosječne plate u Federaciji Bosne i Hercegovine, po ovim osnovama porodicama sa djecom u Kantonu Sarajevo u 2022. godini uplaćeno ukupno oko 69 miliona konvertibilnih maraka. Dodatno, Vlada Kantona Sarajevo u 2022. godini donijela i program mjera u cilju zaštite najugroženijih kategorija stanovništva uslijed povećanja cijene energenata i ovim programom je jednokratnu novčanu pomoć primilo ukupno 39 000 penzionera u Kantonu Sarajevo sa najnižom penzijom i preko 1000 korisnika novčane naknade za pomoć i njegu od strane druge osobe za osobe preko 65 godina. Za ove namjene utrošeno je oko 4

miliona konvertibilnih maraka. U redovne aktivnosti Ministarstva za rad, socijalnu politiku, raseljena lica i izbjeglice spada i subvencioniranje troškova grijanja i subvencioniranje troškova podstanarstva za socijalno ugrožene kategorije naših građana. Govorimo o ukupno do 1000 korisnika po ovim osnovama. Također, mi smo u ovoj tekućoj godini značajno uvećali sredstva i povećali kvalitet toplog obroka, a sredstva za subvencioniranje javnih kuhinja u Kantonu Sarajevo i materijalne troškove namirnica koja iznose u ovoj godini preko 2 miliona konvertibilnih maraka. Ovom aktivnošću je obuhvaćeno ukupno 2.600 korisnika. Obzirom na ove mjere koje su dio samo politike u resoru rada i socijalne politike je utrošeno u ovoj godini 70, oko 75,5 milijuna konvertibilnih maraka koje su direktno isplaćene građanima Kantona Sarajevo i kojima je obuhvaćeno oko 60 000 stanovnika. Smatramo da su ovim mjerama itekako, da su ove mjere itekako ublažile udar koji na kućne budžete imala visoka stopa inflacije. Znači govorimo o 60 000 stanovnika koje su obuhvaćene direktnim subvencijama Vlade Kantona Sarajevo. Svakako da smo razmotrili dobru inicijativu uvaženih zastupnika Pabrića i Ademovića, pripremit ćemo sredstva u iznosu oko 2,3 miliona konvertibilnih maraka i uz pomoć ovih sredstava usmjeriti po 100 konvertibilnih maraka najugroženijim kategorijama stanovništva kako bismo dodatno ublažili udar na kućne budžete. Kako je već rekao premijer govorimo o korisnicima stalne novčane pomoći, trajno nezaposlenim osobama koje su na evidenciji Službe za zapošljavanje 9 godina i duže i pripadnicima boračke populacije koji su na evidenciji Službe za zapošljavanja preko jednu godinu a imaju manje od 57 godina života i primaju novčanu egzistencijalnu naknadu. Zahvaljujem se.

Elvedin Okerić (Predsjedavajući)

Ministrica Naida Hota-Muminović. Izvolite imate riječ.

Naida Hota-Muminović (ministrica)

Hvala lijepo. Uvaženo rukovodstvo Skupštine, zastupnice i zastupnici, ministri i ministrice, premijeru, cijenjeni građani Kantona Sarajevo, kroz Ministarstvo za odgoj i obrazovanje potpisali smo dakle nove kolektivne ugovore za uposlenike u obrazovanju i mogu reći da smo u ukupnom sistemu pregovaranja sa sindikatima ovoj profesiji zaista dali naglašenu ulogu i napravili korekciju jedne dugogodišnje nepravde da je ova profesija bila dugo među najmanje plaćenim profesijama u Kantonu Sarajevo u javnom sektoru. Mogu reći da smo i ovim pregovorima itekako dobro pozicionirali ukupne osnovne plate ali i ukupna primanja kroz otežane uvjete rada za sve prosvjetne radnike u Kantonu Sarajevo. Mi smo i dalje Kanton čije su plaće za prosvjetne radnike najveće prema jasnim pokazateljima i poređenjem oba kolektivna ugovora jer se spominje Zeničko dobojski kanton kao nama susjedni najbliži i saobraćajno najpovezaniji Kanton. Mi i dalje naravno u Kantonu Sarajevo imamo najveće i osnovne plaće a kad se tome doda i set stavki za otežane uvjete rada vidjećemo da su te stavke u ugovorima o kolektivnom ugovoru daleko veći ih je broj i procenti su daleko veći od svih drugih kolektivnih ugovora za prosvjetne radnike. A drago mi je što je ovo tek najava trenda i da ćemo, nadam se da ćemo u narednom periodu daljim kolektivnim pregovaranjem nastaviti poboljšavati poziciju prosvjetnih radnika. Nije to samo pitanje jasne političke opredijeljenosti. To je stvar i tržišnih prilika gdje želimo privući najbolje prosvjetne radnike, prije svega u inicijalno obrazovanje za nastavničke profesije, a potom i da rade u školama u Kantonu Sarajevo. A od onoga što smo direktno uradili prema građanima Kantona Sarajevo poboljšavajući njihov standard odnosno uvodeći novi standard učenika, možemo izdvojiti da smo programom sufinansiranja boravka djece u privatnim vrtićima obuhvatili od septembra

5.100 djece što je 11 miliona iz Budžeta Kantona Sarajevo u 22. godini. A treba kazati takođe da smo uveli jednu mjeru koja je prvi put uvedena u obrazovnom sistemu, ne samo poslije rata i agresije nego i od prije rata i agresije na Bosnu i Hercegovinu, a to su udžbenici za sve učenike koji se finansiraju iz Budžeta dakle iz javnih sredstava. Nabavili smo udžbenike za oko 20 000 učenika u školama u Kantonu Sarajevo u javnim ustanovama od petog do devetog razreda. Kroz programe stipendiranja deficitarnih zanimanja za učenike srednjih škola i to za sva 3 razreda srednjih stručnih škola kao i za stipendije za nadarene učenike, te nagrade za najizvršnije učenike izdvojeno je ukupno 500 000 konvertibilnih maraka koja su sredstva itekako stavljena na raspolaganje učenicima kako bismo poboljšali njihov ukupni učenički standard, ali i prilike u njihovim kućnim budžetima. Posebno je značajno reći da smo pitanja kapacitiranja stručnih službi u školama, kao i kapacitiranja radnika koji servisiraju inkluziju djece sa teškoćama u razvoju u školama riješili trajno tako što smo dali odobrenje i osigurali ukupna sredstva u iznosu od 6 000 000 konvertibilnih maraka za dugoročno trajno rješavanje ovih pitanja kroz zasnivanje ugovora o radu na neodređeno vrijeme. Riječ je o ljudima koji su godinama radili na određeno vrijeme, odnosno bili na evidenciji Službe za zapošljavanje kao resurs koji je šteta propustiti u obrazovnom sistemu. Nadam se da je ovo tek početak i da ćemo u narednim budžetima jasnim odgovornim dobrim planiranjem povlačiti ovakve poteze i pozicionirati obrazovanje i odgoj tamo gdje pripada u sami vrh prioriteta jednog društva. Hvala lijepo.

Elvedin Okerić (Predsjedavajući)

Zahvaljujem se ministrici Hota-Muminović.

S obzirom da nam je za petnaestak minuta vrijeme džume namaza predlažem pauzu od sat i po vremena pa zamolio bih zastupnike da se izjasne o mom prijedlogu. Nakon pauze nastavljamo dalje.

Zamolio bih zastupnice i zastupnike da se izjasne o ovoj pauzi. Zamolio bih službu da pozove zastupnike iz hodnika. Molim službu da objavi rezultate glasanja.

Za je glasao 21 zastupnik, protiv i suzdržanih nije bilo.

Konstatujem da je Skupština prihvatila prijedlog za pauzu od sat i po. Hvala.

NASTAVAK NAKON PAUZE

Elvedin Okerić (Predsjedavajući)

Nastavljamo dalje sa sjednicom Skupštine Kantona Sarajevo. Naredni se prijavio ministar Adnan Delić.

Adnan Delić (ministar)

Hvala predsjedavajući. Pozdravljam sve uvažene zastupnice i zastupnike i one koji nas prate putem malih TV ekrana. Uvaženi zastupnik Samir Avdić je postavio pitanje vezano je za pomoć mikro, malim i srednjim preduzećima i ja ću evo potruditi se da bude kratak i kažem šta smo uradili u protekle 2 godine kada je ta vrsta pomoći u pitanju. Jedini smo Kanton u Federaciji Bosne i Hercegovine koji je u 21. godini isplatio 21 000 000 pomoći u svrhu saniranja negativnih ekonomskih posljedica nastalih uslijed kovid pandemije i više od 200 miliona konvertibilnih maraka podrške znači mikro, malim i srednjim preduzećima kroz razne programe, sve stavke pomoći mikro, malim i srednjim preduzećima u odnosu na prethodne

godine su značajno uvećane i proveli smo sve programe koji su tretirali digitalizaciju, standardizaciju, tehnološku modernizaciju, koji su tretirali podršku starim tradicionalnim zanatima, uređenje zajedničkih i infrastrukturnih projekata u industrijskim zonama na području Kantona Sarajevo. Neću govoriti o zakonskim regulativama, a bilo ih je mnogo i neke su i dalje u skupštinskoj proceduri i nadam se da će brzo biti usvojene. Znači napravili smo kreditnu liniju u 2 godine vrijednu 200 miliona konvertibilnih maraka za sve kompanije koje posluju na području Kantona Sarajevo. Oni imaju mogućnost da se zaduže u 3 komercijalne banke po apsolutno najpovoljnijim uslovima za beskamatna zaduženja. To je ukratko. Znači kada je poljoprivreda u pitanju ne postoji ni jedna Vlada koja je provela više mjera u svrhu pomoći poljoprivrednoj proizvodnji i proizvodnji hrane na području Kantona Sarajevo. U ove 2 godine izdvojili smo 14 miliona konvertibilnih maraka, uveli smo neke nove prakse, oslobodili pravdanja smjena, garantovali otkup našim poljoprivrednim proizvođačima itd. Mnogo je ovoga, ali evo sve ste mogli naravno pratiti u protekle dvije godine.

Još ću se osvrnuti na inicijativu uvaženog zastupnika Faruka Kapidžića i reći ću da inicijativa koju je podnio ona je Expo izvještaj Expo ugovor i sve ono što tretira naš nastup na najvećem sajmu poduzetništva i inovacija je uvijek bio dostupan svim zastupnicima i zastupnicama u Skupštini Kantona Sarajevo i to je ista, ista ova stvar se dešavala u prethodnom sazivu ove Skupštine kada je kolega Zahiragić problematizovao ove stvari ja sam čak donio sve ono što imamo i što čuvamo u Ministarstvu privrede ovdje na sjednicu i pozvao kolegu Zahiragića da to sve pregleda ovdje javno, ali nikad nisam dozvolio da pravite cirkus od EXPO-a, od događaja kojeg su blokirali državni, kojeg je blokirao državni nivo vlasti, od najvećeg sajma preduzetništva i investicija na svijetu. Kada je ovaj.

Elvedin Okerić (Predsjedavajući)

Poslovnička intervencija zastupnik Zahiragić.

Haris Zahiragić (poslanik/zastupnik)

Uz dužno poštovanje predsjedavajući s obzirom da kolege zastupnici u međusobnim diskusijama mogu držati određeni dignitet molili bi smo i ministra Delića koji kad god dođe za ovu binu postane uzbuđen i prestane birati riječi, da na koristi riječ poput cirkus jer činjenica da 4,2 000 000 potrošeno a da su to pare građana obavezuje nas da imamo pravo tražiti na šta su utrošena sredstva. Zamolio bih da nas ministar više ne vrijeđa. Hvala vam.

Elvedin Okerić (Predsjedavajući)

Hvala kolega Zahiragiću, ministre Deliću izvolite.

Adnan Delić (ministar)

Moram da kažem da nije potrošeno 4, 2 000 000 to su netačni navodi apsolutno. Znači Ured za reviziju kojeg ste usput rečeno vi poslali da radi reviziju ovog čitavog procesa je utvrdio da nema ni jedne greške. Znači u procesu znači organizacije našeg nastupa, nastupa naše države na sajmu Expo, ali i pored toga vi ste se potrudili da to prijavite Tužilaštvu Kantona Sarajevo, ja to znam za to što sam se izjašnjavao u Tužilaštvu i Tužilaštvu smo dostavili sve znači apsolutno sve dokumente koje posjedujemo o EXPO-u. Trenutno se vodi istraga kada je Expo u pitanju. Ali i ovo ću vam reći, trenutno na području Kantona Sarajevo se implementira 200 miliona konvertibilnih maraka direktnih investicija od Expo-a. Zadnja, zadnji upit za investiciju možete da provjerite kod FIPE i da vidite zasluge Expo-a. Trenutno se u FIPI

obrađuje znači zahtjev za investicijom 50 miliona eura kompanije iz Ujedinjenih Arapskih Emirata. Vi ljude, umjesto da im omogućite da investiraju u ovu državu, ovakvim postupcima tjerati u tužilaštvo i tjerati ih van ove države da investiraju u Srbiju, Hrvatsku, Crnu Goru, vi ste najzaslužniji za to, najzaslužniji ste za predmet koji se vodi pred Tužilaštvom za uspješnu privatizaciju hotela Igman od 5,1 miliona konvertibilnih maraka. 13 puta ste ga prodavali za 3 miliona i niste ga nikad uspjeli prodati. Umjesto da sterete crveni tepih investitorima vi investitore tjerate iz ove države, tjerate ih u Tužilaštvo i to je vaša zasluga. I da vas napomenem, vi ste glasali za Expo. Klub SDA je glasao za naš nastup na Expo. Ja sam ponosan znači na taj projekat, to je najveća poslijeratna promocija države Bosne i Hercegovine izvan države Bosne i Hercegovine i to svjedoče i svi osim Kluba SDA u Skupštini Kantona Sarajevo. Hvala vam.

Elvedin Okerić (Predsjedavajući)

Da li ima još neko od ministara. Ministar Omer Osmanović. Može, može naravno. Uključite ministra Omera Osmanovića. Uključite ministra Osmanovića.

Omer Osmanović (ministar)

Hvala. Poštovani zastupnici i zastupnice, poštovani gledatelji, srdačno vas selamim i pozdravljam. Prvo bih se zahvalio Vladi Kantona Sarajevo i Skupštini Kantona Sarajevo za svu podršku koju su davali Ministarstvu i rješavanja problema boračke populacije i vraćanje digniteta i ponosa ovoj populaciji u svim segmentima. Također bih pohvalio posebno ministra Davora Čičića koji je imao izuzetan senzibilitet u pronalaženju sredstava i načina realizacije tih sredstava za krucijalne probleme koji su bili vezani za ovu populaciju. Ja neću ponavljati cifre o rješavanju stanova koji ćemo danas ako Bog da završiti na ovoj Skupštini. Imamo jednu tačku i druge neke tačke, samo ću se osvrnuti kao što sam i prije govorio u ove 2 godine dana smo rekordne cifre izdvajali za ovu populaciju. Ja ću se samo osvrnuti u pokušavanju savladavanja inflatornih krize i kovida gdje smo prošle godine imali rekordne sume u pomoći socijalnih potreba 3600 ljudi smo prošle godine pomogli. Međutim ove godine smo pomogli imali smo prije 2 dana zadnju komisiju 5.600 ljudi smo pomogli socijalnim potrebama, za to smo izdvojili 4,6 miliona maraka. Također po prvi put smo i rekordno subvenciju za grijanje za boračku populaciju 1200 ljudi, proteklih godina je bilo između 400 i 500 samo za drva, ali promjenom zakona i samo zahvaljujući ovoj Skupštini gdje svi jednoglasno podržali te promjene Zakona, inače sve tačke što se tiče boračke populacije ja se opet još jednom zahvaljujem Skupštini koji su jednoglasno podržavali. Ove godine smo 1200 ljudi obezbijedi za što smo 600.000 maraka obezbijedili za ovu populaciju. Također ovim zadnjim mjerama koje smo danas usvojili kroz inicijativu gdje ćemo uvrstiti 3000 ljudi koji primaju novčanu egzistencijalnu naknadu koji će dobiti po 100 maraka. Hvala vam puno još jednom.

Elvedin Okerić (Predsjedavajući)

Ministar Admir Katica, izvolite imate riječ.

Admir Katica (ministar)

Hvala vam predsjedavajući. Lijep pozdrav vama, lijep pozdrav ponovno svim zastupnicima i zastupnicama u Skupštini Kantona Sarajevo. Vezano za pitanja zastupnika Čičića hito bih odgovoriti da je i u okviru Ministarstva unutrašnjih poslova Kantona Sarajevo, odnosno aktivnosti na kolektivnom dogovaranju sa Sindikatom policije došlo do značajnih povećanja primanja policijskih službenika u Ministarstvu unutrašnjih poslova Kantona Sarajevo i mogu

reći da smo ponosni na kolektivni ugovor iz 2022. godine, iz februara 2022 godine koji je značio zahvat u Budžet od preko 5 000 000 konvertibilnih maraka. Slikovitosti radi, mi imamo u novembru 2022. godine u odnosu na novembar 2021. godine povećanje od oko 330 konvertibilnih maraka prosječne plate isplaćene u Upravi policije. Dakle u novembru 2021. to je bilo 1.722 konvertibilne marke, a u novembru 2022. to su 2053 konvertibilne, dakle prosječna plata u Upravi policije na novembar 2022. godine. Podsjetit ću vas ovim kolektivnim ugovorom je takođe smo izdejsvovali najbolje i najveće dodatke na platu zbog posebnih uslova rada našim policijskim službenicima, umjesto dotadašnjih 30 % svi policijski službenici primaju 40 % naknade na platu zbog posebnih uslova rada, s tim da kriminalistička policija i specijalistička policija imaju 50 % dodatka na platu, što ove dodatke čini najboljim u regionu što se tiče dodataka na plate zbog posebnih uslova rada policije. Naši policajci koji dobro rade svoj posao umjesto dosadašnjih dva puta mogu pet puta biti nagrađeni tokom godine od strane svojih rukovodilaca i to u iznosu do 30 % od prosječne plate isplaćene u Federaciji .Dakle to su samo neki od podataka. Dakle kolektivni ugovor iz februara vrijedan preko 5 miliona konvertibilnih maraka značio je u velikoj mjeri poboljšanje prava i plaća i primanja policijskih službenika Ministarstva unutrašnjih poslova Kantona Sarajevo. Hvala.

Elvedin Okerić (Predsjedavajući)

Nema više prijavljenih. Zahvaljujem se ministrima.

Odgovor na pitanje. Samo malo. Zastupnik Muamer Bandić imao je pitanje za premijera. Premijer će vam dostaviti pismeno onda, pismenim putem dobićete odgovor. Može.

Edin Forto (premijer)

Izvinjavam se zastupniku, nisam shvatio da je tražen usmeni odgovor, do sad bih već pripremio detaljno pošto ima puno detalja vezano za ovu Odluku Vlade, dostavit ću vam pismeno prvom prilikom, sve super, mi smo to jako puno analizirali i donijeli smo odluke u skladu sa, sa onim što je što Vlada u tom trenutku zauzela stav.

Koristim priliku i zloupotrijebit ću izvinite predsjedavajući skidamo tačku dnevnog reda vezano IX transverzalu zbog tehničke tehničke ispravke. Ta tačka očekujem da će se vratiti u jednu od sljedećih sjednica čim se ispraviti ta greška. Hvala

Elvedin Okerić (Predsjedavajući)

Zastupnik Mahir Dević.

Mahir Dević (poslanik/zastupnik)

Hvala predsjedavajući. Mi smo na formalno na nezadovoljstvima odgovorima, jel tako? Hvala lijepa. Ja sam zaista zadovoljan s ovim što nam je Vlada pričala sat vremena i više. Čuli smo sve ministre, ne znam ima li još neko od ministara nešto da nam ovaj kaže što ih nismo pitali, naravno. Ukoliko ima ja bih volio da i to čujem. Posebno je bilo srceparajuće izlaganje ministra Delića, to je njemu inače svojstveno takav jedan nastup emotivni, jedan naboj pozitivni, sportskog duha onako, naravno onoga što ga nismo pitali. Želio bih kazati nešto predsjedavajući kao medresalija, kao neko ko je srednju školu Medresu završio. Ima jedna arapska poslovice koja kaže (nerazumljivo), ja sam je citirao već jednom u prethodnom mandatu koja u prijevodu znači: "Jedan dio govora je sihr, magija, općina, dezavuiranje javnosti, itd". Eh ovo sada što smo mi slušali u prethodnih sat vremena ja kao medresalija razumijem da je to bilo u pitanju. Znači niko ove ljude ova pitanja na koja su oni nama davali

odgovore nije pitao. Ali ću radi digniteta ove inicijative koju je pokrenuo Klub SDA kada je u pitanju ovih 1080 KM kazati samo sljedeće: poštovana gospodo Vlado vi možete pričati šta hoćete i plasirati informacije i dezinformacije u javnost kakve god želite i samohvalisati se i gledati se u ogledalo, činjenice su sljedeće: prije 5 godina prosvjetni radnik je u Kantonu Sarajevo imao platu veću 300,00 KM nego onaj u Zeničko dobojskom kantonu. Danas osnovnu platu nastavnik- savjetnik, ponavljam, nastavnik-savjetnik u Kantonu Sarajevo i u Zeničko dobojskom kanton, u ne da ima istu, već je osnovnu platu ima veću u Zeničko dobojskom kantonu. I taj isti Zeničko dobojski kanton koji ima Budžet svega 476 000 000 konvertibilnih maraka je jučer isplatio jednokratnu novčanu pomoć u visini od 1080 konvertibilnih maraka. Ako vi mislite da ste sa sebe skinuli na neki način odgovornost tako što ste nam uzeli sat i po vremena ovdje na Skupštini i pričali nam ustvari o izvještaju rada Vlade za proteklu godinu iako to nije tačka ovaj dnevnog reda, niste gospodo, već se pokazali upravo suprotno, znači nešto što je potpuno suprotno tome. To je nesposobnost ove. Evo mogu li završiti rečenicu samo? Znači to je potpuna nesposobnost ove vlasti da prati inflatorni ciklus koji se dešava u Bosni i Hercegovini. Onda vi to ponovo pretvarate naravno ovaj u neki populizam. Zahvaljujem. Izvinjavam se malo što sam s vremenom prešao.

Elvedin Okerić (Predsjedavajući)

Poslovnička intervencija zastupnik Aljoša Čampara.

Aljoša Čampara (poslanik/zastupnik)

Zahvaljujem predsjedavajući. Pa evo ja bih iskoristio priliku prije svega da vas pozovem kao predsjedavajućeg Skupštine Kantona Sarajevo a i na sve ovdje da pročitamo član 212 Poslovnika o radu Skupštine Kantona Sarajevo koji govori o tome da se na svakoj redovnoj sjednici Skupštine Kantona Sarajevo izdvojiti sat vremena za poslanička pitanja, poslaničke inicijative. To se zove Vladin sat. Sat vremena tačno eksplicitno stoji. Mi smo počeli sjednicu oko 10 sati, sada je evo 14 sati 10 minuta. Dakle mi već 4 sata smo u okviru ove tačke dnevnog reda. Evo mogu ovaj uzet i ovu pauzu koja je bila od sat i po, dakle opet smo prekardašili ono vrijeme koje nam je dozvoljeno i ostavljeno Poslovnikom. Mislim da imamo ozbiljnih tačaka iza ove tačke i molim vas da se držimo. Dakle u roku sat vremena svako može postaviti pitanje ukoliko stigne, inicijativu ili da to ostane za narednu sjednicu. A mi imamo sat vremena, tako je zakonodavac predvidio kada je donosi ovaj Poslovnik. I predsjedavajući ja vas stvarno molim da ne maltretiramo ni vas, ni nas, ni građane, ni građanke, ni ove službe. Dajte da se držimo Poslovnika, da radimo onako kako nam je Poslovnik propisao. Imamo sat vremena samo za ovu prvu tačku vremena. Ona je davno istekla i dajte da idemo na ove puno važnije, ozbiljnije tačke koje čekaju građani i građanke Kantona Sarajevo. Eto hvala.

Elvedin Okerić (Predsjedavajući)

Hvala kolega Čampara. Bojim se da Poslovnik ovdje nije baš decidan da li u sat vremena ulazi samo pitanje inicijative ili ulaze i odgovori na pitanja koja su postavili zastupnici. Ovo što smo dozvolili, evo samo da završim. Ono što smo dozvolili danas da ministri odgovore na postavljena pitanja upravo zato što su kolege iz opozicije podnijeli inicijativu koja je koji su smatrali da je važna za javnost i Vlada Kantona Sarajevo je odlučila da u potpunosti odgovori na tu inicijativu, šta je sve Vlada Kantona Sarajevo uradila u 2022 godini upravo zbog javnosti i delegiranjem u javni prostor činjenica i argumenata a ne populizma sa kojim su neki krenuli. To je, to je razlog. Kolega Aljoša Čampara izvolite.

Aljoša Čampara (poslanik/zastupnik)

Dakle vrlo kratko, evo da se pozovemo na član 212, 213, 214 jer ovo može u nedogled trajati. Pa onda imamo zadovoljstvo odgovorom, pa imamo nezadovoljstvo, pa izlaze ministri, pa posle zastupnici, pa se prekidaju ministri prilikom obrazlaganja, pa onda dođe do ovaj diskusija između ministara i zastupnika. Dakle ljudi otići će nam vrijeme. Evo cijeli dan ćemo izgubiti na jednoj tački. Ja mislim da to nije dobro.

Elvedin Okerić (Predsjedavajući)

U interesu javnosti važno nam je da građani znaju o kakvoj se inicijativi radi i ono što je Vlada uradila i to je na neki način razlog zbog čega smo ponudili odgovore na postavljena pitanja i to detaljno. Zastupnica Admela Hodžić se javila za riječ. Izvolite zastupnice.

Admela Hodžić (poslanik/zastupnik)

Zahvaljujem predsjedavajući. Pa javila sam se iz tog razloga postavila sam pitanje ministru Vraniću, ministru zdravstva ali nema ga u sali cijeli dan i nema nikoga iz Ministarstva zdravstva. Možda nisam naglasila da tražim usmeni odgovor ali mislim da je jako važno davanja saglasnosti za upošljavanja 10 specijalista. Pa ako može neko da nam odgovori iz Vlade, premijer, kada već nema ministra. Hvala.

Elvedin Okerić (Predsjedavajući)

Onaj ministar resorni koji trenutno nije ovdje on će dostaviti svoje odgovore pismenim putem jer tako Poslovnik predviđa usmeni ili pismenim putem da daje odgovore na postavljena pitanja. Zastupnik Haris Zahiragić.

Haris Zahiragić (poslanik/zastupnik)

Hvala predsjedavajući. Nezadovoljstvo odgovorima. Slažem se da je sat vremena za postavljanje pitanja, međutim ministri su odlučili, vi dozvoli da duže odgovaraju, to je mimo Poslovnika, ali vi kao predsjedavajući imate pravo da procijenite da je to u interesu javnosti možda i potrebno. Ponovit ću što je kolega Dević kazao, loši studenti na usmenim ispitima kada ne znaju pitanje koje ih profesor pita oni odgovaraju drugo pitanje. Takvu smo situaciju otprilike sada imali zbog toga je trebalo ovoliko vremena da ministri odgovore na nešto što ih mi nismo pitali. Nezadovoljstvo odgovorom ide prije svega ministru Deliću koji je na pitanje, inicijativu zapravo, na mene ste se referisali. Inicijativu kluba SDA da za vezano za Expo na način da Tužilaštvo vodi istragu. Mi nismo kriminalizirali ovim pitanjem tu inicijativu ni taj sajam ni na koji način, samo želimo saznati koja su se auta rentali, koliko je novinarka, koliko zastupnica, koliko ministara, koliko javna ličnost išlo novcem građana Kantona Sarajevo u hotele od 4 i 5 zvjezdica i šta je svaki od njih doprinio razvoju privrede u Kantonu Sarajevo. Mi nismo sporili Expo, mi smo ga podržali čak, koja su se službena auta rentale luksuzna i tako, da li je baš bilo potrebno za toga, koje agencije su to radile a kasnije stavljale vaše plakate na bilborde i tako dalje. Gospodin Čičić, Vlada Federacije je povećava cijenu gasa, pa onda je spomenuo Energoinvest. Nije Vlada Federacije povećala cijenu glasa nego je svjetsko tržište povećalo cijenu gasa, a je Vlada uskladila tu cijenu sa svjetskim tržištem. I ne može vam Vlada Federacije BiH biti stalno (nerazumljivo) kada mi vas nešto pitamo. Ovo je Skupština Kantona Sarajevo i držite se molim vas svog posla, a iskoriste svoje prisustvo na višim nivoima vlasti pa pitajte Vladu Federacije sva pitanja koja vas zanimaju. Zaduženost u odnosu na raniji period preko 100 % povećano u Kantonu Sarajevo. Mi nismo rekli da je Kanton Sarajevo preko

zakonskog limita, kako ste vi odgovarali, ali je povećano preko 100 % zaduženje u mandatu kojim vlada šestorka, kasnije trojka. I još četiri inicijative na koje je Vlada negativno reagirala. Dobrovoljačka podrška 13, 11 ljudi za odbranu svih sredstava. Ja sam kazao u inicijativi da je ministar izašao u susret 7 ljudi i dao im 17 000. Međutim ti postupci u drugostepenom trajanju i dugo i koštaju preko 100 000. Ti ljudi predstavljaju i brane obraz Armije Republike Bosne i Hercegovine, MUP-a Republike Bosne i Hercegovine, političkog i vojnog rukovodstva naše odbrane. To je montirani prvoklasni politički proces iz tog razloga smatram da njega na poseban način treba izdvojiti i sva sredstva dati za odbranu a naravno za sve druge branioca koliko vi predvidite sredstava u Budžetu mi ćemo to podržati. Subvencije niste dali premijeru Forto i ta inicijativa treba biti usvojena, dali ste par stotina 1000 najugroženijim kategorijama što nije dovoljno ni za metar drva. 1080 maraka.

Elvedin Okerić (Predsjedavajući)

Vrijeme kolega Zahiragiću. Nemojte pola, samo rečenicu. Svima sam bio tolerantan.

Haris Zahiragić (poslanik/zastupnik)

1080 maraka. Vlada Kantona Sarajevo je poslodavac, primjer Forto kaže da građani su zaslužili. Građani svakako trebaju dobiti razne vrste podrške, pogotovo socijalno ugroženi. Ali radnici u Kantonu Sarajevo ovi koji vas opslužuju ovde, one tete što vam higijenu, naša Raza što nam kafu pravi, nije elita ovog naroda. I ona treba da dobije.

Elvedin Okerić (Predsjedavajući)

Moram vas prekinuti kolega Zahiragiću.

Haris Zahiragić (poslanik/zastupnik)

Samo molim vas.

Elvedin Okerić (Predsjedavajući)

Nemojte više evo bio sam tolerantan.

Haris Zahiragić (poslanik/zastupnik)

Završavam.

Elvedin Okerić (Predsjedavajući)

Moram vas prekinuti. Zastupnik Davor Čičić.

Davor Čičić (poslanik/zastupnik)

Zahvaljujem predsjedavajući. Pošto sam prozvan. Vi diskutujete.

Elvedin Okerić (Predsjedavajući)

Mi smo sad trenutno na nezadovoljstvu odgovorima. Ukoliko nemamo toga završavamo, idemo dalje. Idemo pristupamo izjašnjenju pristiglih inicijativa. Da li nam je premijer ovdje? Zastupnici Kemal Ademović i Rusmir Pobrić da li ostajete pri inicijativi ili povlačite s obzirom da je premijer obrazložio da je djelomično prihvatio? Uključite zastupnika Kemala Ademovića.

Kemal Ademović (poslanik/zastupnik)

Mi smo tražili, pokrenuli inicijativu poslovnički je izjašnjenje Vlade obavezno, oni su dali izjašnjenje. Dakle mi ne tražimo da se Skupština izjašnjava o navedenoj inicijativi iako smo djelimično zadovoljni ponuđenim odgovorom. Hvala.

Elvedin Okerić (Predsjedavajući)

Zahvaljujem se zastupniku Ademoviću. Molim službu da pripremi anketu za izjašnjenje. Ministar je obrazložio, ali evo da.

Zaključujem glasanje. Molim službu da objavi rezultate glasanja. Za je glasalo 15 zastupnika, protiv ništa i suzdržanih 9.

Konstatujem da inicijativa nije dobila potrebnu većinu.

Prelazimo na.

Poslovnička intervencija zastupnik Dević.

Zamolio bih sekretara da pristupi pojedinačnom prozivanju zastupnika.

Aida Zeković (Sekretar Skupštine)

Poštovani zastupnici molim da se izjasnite.

Ademović Kemal suzdržan

Avdić Samir suzdržan

Bandić Muamer za

Bešlija Vildana suzdržana

Čampara Aljoša suzdržan

Čengić Irfan za

Čičić Davor suzdržan

Dević Mahir za

Gaković Elza za

Gavrankapetanović-Smailbegović Fatima odsutna

Handžić Vibor suzdržan

Hašimbegović Marijela opravdano odsutna

Hodžić Admela za

Izetbegović Sebija za

Kalem Adi za

Kapidžić Faruk za

Klarić Sanela opravdano odsutna

Kristić Danijela suzdržana

Magoda Kenan suzdržan

Marjanović Damir za

Melank Miomirka odsutna

Memić Arijana suzdržana

Okerić Elvedin suzdržan

Pekić Jelena odsutna

Pilav Ilijaz odsutan

Pobrić Rusmir suzdržan

Selmanović Faruk odsutan

Stojanović Igor odsutan
Šaljić Jasmin odsutan
Uk Nihad suzdržan
Viteškić Smiljana za
Vreto Elvis suzdržan
Vujović Vedrana za
Zahiragić Haris za
Zuhrić Albin za.

Elvedin Okerić (Predsjedavajući)

Za je glasalo 13 zastupnika, protiv ništa, suzdržanih 13.
Konstatujemo da inicijativa nije dobila potrebnu većinu.

Prelazimo izjašnjenje sljedeće inicijative zastupnika Mahira Devića.
Skupština Kantona Sarajevo zadužuje Vladu Kantona Sarajevo da do kraja budžetske 2022. Godine isplati pomoć radnicima u Kantonu Sarajevo u iznosu 1080 konvertibilnih maraka, a kao pomoć u prevazilaženju galopirajuće inflacije.

Molim službu da pripreme anketu za izjašnjenje zastupnice i zastupnike da se izjasne.
Zaključujem glasanje. Molim službu da objavi rezultate glasanja. Za je glasalo 12 zastupnika, protiv ništa, suzdržanih 14.
Konstatujem da inicijativa nije dobila potrebnu većinu.

Molim sekretara da izvrši pojedinačno prozivanje zastupnika.

Aida Zeković (Sekretar Skupštine)

Ademović Kemal suzdržan
Avdić Samir suzdržan
Bandić Muamer za
Bešlija Vildana suzdržana
Čampara Aljoša suzdržan.
Čengiće Irfan za
Čičić Davor suzdržan.
Dević Mahir za
Gaković Elza za
Gavrankapetanović-Smailbegović Fatima odsutna
Handžić Vibor suzdržan.
Hašimbegović Marijela opravdano odsutna
Hodžić Admela za
Izetbegović Sebijka za
Kalem Adi za
Kapidžić Faruk za
Klarić Sanela opravdano odsutna
Kristić Danijela suzdržana.
Magoda Kenan suzdržan
Marjanović Damir suzdržan.

Melan Miomirka odsutna
Memića Arijanom suzdržana
Okerić Elvedin suzdržan
Pekić Jelena odsutna
Pilav Ilijaz odsutan
Pobrić Rusmir suzdržan.
Selmanović Faruk odsutan
Stojanović Igor odsutan
Šaljić Jasmin odsutan
Nikad Uk suzdržan
Viteškić Smiljana za
Vreto Elvis suzdržan.
Vujović Vedrana za
Zahiragić Haris za
Zuhrić Albin za.

Elvedin Okerić (Predsjedavajući)

Za je glasalo 12 zastupnika, protiv ništa, suzdržanih 14.

Konstatujem da Skupština nije dala podršku ovoj inicijativi.

Sljedeća inicijativa zastupnika Harisa Zahiragića koja glasi:

Skupština Kantona Sarajevo zadužuje Vladu Kantona Sarajevo da odmah i bez odlaganja tvrdi adekvatan program subvencija za energente plin, drva, pelet, Toplane u procentualnom iznosu koji prati rast inflacije, a imajući u vidu poskupljenja energenata i ukupnu inflaciju.

Molim službu da pripremi anketa, a zastupnice i zastupnike da se izjasne.

Zaključujem glasanje. Molim službu da objavi rezultate glasanja.

Za je glasalo 13, protiv ništa, 12 suzdržanih.

Konstatujem da inicijativa nije dobila potrebnu većinu.

Prelazimo na sljedeću inicijativu zastupnika Harisa Zahiragića.

Skupština Kantona Sarajevo zadužuje Vladu Kantona Sarajevo da obezbijedi financija sredstva za finansiranje svih troškova odbrane za sve optužene branioce pred Sudom Bosne i Hercegovine u predmetu Dobrovoljačka.

Molim službu da pripremi anketu za izjašnjenje, a zastupnice i zastupnike da se izjasne.

Zaključujem glasanje. Molim službu da objavi rezultate glasanja. Za glasalo 14 zastupnika, protiv ništa, suzdržanih 10.

Konstatujem da ova inicijativa nije dobila potrebnu većinu.

Pojedinačno izjašnjavanje. Molim sekretara da izvrši prozivanje pojedinačno zastupnika.

Aida Zeković (Sekretar Skupštine)

Ademović Kemal suzdržan

Avdić Samir suzdržan

Bandić Muamer za

Bešlija Vildana suzdržana
Čampara Aljoša suzdržan.
Čengić Irfan za
Čičić Davor suzdržan.
Dević Mahir za
Gaković Elza za
Gavrankapetanović-Smailbegović Fatima odsutna
Handžić Vibor suzdržan.
Hašimbegović Marijela opravdano odsutna
Hodžić Admela za
Izetbegović Sebija za
Kalem Adi za
Kapidžić Faruk za
Klarić Sanela opravdano odsutna
Kristić Danijela suzdržana.
Magoda Kenan suzdržan
Marjanović Damir suzdržan.
Melan Miomirka odsutna
Memića Arijanom suzdržana
Okerić Elvedin suzdržan
Pekić Jelena odsutna
Pilav Ilijaz odsutan
Pobrić Rusmir suzdržan.
Selmanović Faruk odsutan
Stojanović Igor odsutan
Šaljić Jasmin odsutan
Nikad Uk za
Viteškić Smiljana za
Vreto Elvis suzdržan.
Vujović Vedrana za
Zahiragić Haris za
Zuhrić Albin za.

Elvedin Okerić (Predsjedavajući)

Za je glasalo 13 zastupnika, protiv ništa, suzdržanih 13.

Konstatujem da inicijativa nije dobila potrebnu većinu.

Zastupniče Čengić, s obzirom da je vaša inicijativa proslijeđena Vladi, Izmjene i dopune Odluke za usvajanje okvira za otkup imovine i naknade radi realizacije projekta izgradnje gradskih saobraćajnica u Kantonu Sarajevo.

Ne moramo se izjašnjavati. Hvala.

Prelazimo na tačku 2.

Imamo još jednu inicijativu od zastupnika Harisa Zahiragića.

Skupština Kantona Sarajevo zadužuje Vladu Kantona Sarajevo da odmah i bez odlaganja započne projekat uvođenja mjerača u sva domaćinstva koja su sistemu javnog centralnog grijanja sa ciljem ukidanja paušalnog plaćanje usluge grijanja.

Jel ostajete pri ovoj inicijativi da se izjasnimo? Zamolio bih zastupnike da se izjasne, a službu da pripremi anketu za izjašnjenje.

Zaključujem glasanje. Molim službu da objavi rezultate glasanja.

Za je glasalo 11, protiv ništa, suzdržanih 10.

Konstatujem da inicijativa nije dobila potrebnu većinu.

Ovim smo završili sa pitanjima i inicijativama, izjašnjavanjima na inicijative.

Prelazimo na tačku 2.

AD-2.

Ja neću čitati kompletnu tačku zato što je uvod dug.

Radi se o Prijedlogu odluke kojom se Ministarstvu za boračka pitanja Kantona Sarajevo daje saglasnost da može pristupiti potpisivanju ugovora imovinsko pravne prirode.

Prijedlog odluke dobili ste uz poziv za sjednicu. Ima li potrebe da predstavnik Predlagača podnesu uvodne napomene? Nema. Ima li pitanja? Ima. Zastupnik Mahir Dević izvolite imate riječ.

Mahir Dević (poslanik/zastupnik)

Ja ne znam da li imamo prisutnog predsjednika Zakonodavne komisije? Tu je. Zamolio bih njega samo da nam da kao zastupnicima nekoliko rečenica o ovome što je Zakonodavno-pravna komisija kazala o ovom. Što se nas tiče mi nemamo problema da damo podršku ovome.

Elvedin Okerić (Predsjedavajući)

Predsjednik Zakonodavno- pravne komisije zastupnik Muamer Bandić, izvolite imate riječ.

Muamer Bandić (poslanik/zastupnik)

Hvala predsjedavajući. Pa evo što se tiče Zakonodavno-pravne komisije, mi smo jednoglasno dali podršku za ovu Odluku. Dakle pravni osnov za donošenje ove odluke postoji i nije bilo nikakvih smetnji za donošenje jedne takve odluke i Zakonodavno pravna komisija jednoglasno usvojila tu Odluku i kao takvu uputila Skupštini Kantona Sarajevo.

Elvedin Okerić (Predsjedavajući)

Otvaram raspravu. S obzirom da se niko ne javlja, zaključujem raspravu.

Molim zastupnike da pristupe izjašnjavanju o Prijedlogu Odluke kojom se Ministarstvu za boračka pitanja Kantona Sarajevo daje saglasnost da može pristupiti potpisivanju ugovora imovinsko-pravne prirode, i to: Ugovor o udruživanju sredstava za kupovinu stanova za dodjelu u vlasništvo pripadnicima boračkih populacija koji će biti zaključen pred Kemalom Karićem notarom iz Sarajeva između „Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilisane borce i proggnane osobe“ kao Prodavca/investitora i Ministarstva za boračka pitanja Kantona

Sarajevo, kao Kupca/udruzioca sredstava, kojim se udružuju sredstva za kupovinu 11 stambenih jedinica za dodjelu u vlasništvo pripadnicima boračkih kategorija.

Molim zastupnice i zastupnike da se izjasne. Zaključujem glasanje. Molim službu da objave rezultate glasanja.

Za je glasalo 22 zastupnika, protiv i suzdržanih nije bilo.

Konstatujem da je Skupština donijela ovu odluku.

Prelazimo na tačku 3.

AD-3.

Prijedlog odluke kojom se Ministarstvu za boračka pitanja Kantona Sarajevo daje saglasnost da može u ime Kantona Sarajevo pristupiti potpisivanju ugovora za dodjelu stana u vlasništvo pripadnicima braniteljske populacije koji će biti zaključeni pred Kemalom Karićem, notarom iz Sarajeva između Kantona Sarajevo, Ministarstva za boračka pitanja Kantona Sarajevo kao Prenosioca i trenutnih korisnika stanova kojim su dodijeljeni stanovi na korištenje, kao sticalaca.

Prijedlog odluke ste dobili uz poziv za sjednicu. Moli predstavnika Predlagača da podnesu uvodne napomene ako ima potrebe. Nema. Da li predstavnici radnih tijela žele riječ. Ima li pitanja. Otvaram raspravu. Zaključujem raspravu.

Zamolio bih zastupnice i zastupnike da pristupe izjašnjavanju o Prijedlogu odluke kojom se Ministarstvu za boračka pitanja Kantona Sarajevo daje saglasnost da može u ime Kantona Sarajevo pristupiti potpisivanju navedenog ugovora.

Zaključujem glasanje. Molim službu da objavi rezultate.

Za glasao 21 zastupnik, protiv i suzdržanih nije bilo.

Konstatujem da je Skupština donijela ovu odluku.

Tačka 4.

Prijedlog odluke kojom se Kantonu Sarajevo daje saglasnost da može pristupiti potpisivanju ugovora imovinsko-pravne prirode, i to: Ugovor o kupoprodaji nekretnina koji će biti zaključen pred Kemalom Karićem, notarom iz Sarajeva između Beganović (Srđan) Anke kao Prodavca i Kantona Sarajevo, kao Kupca, kojim se kupuje objekat „Kon-Tiki“ sa pripadajućim zemljištem i nekretninama u Vogošći, ukupne vrijednosti od 750.000,00 KM, a u svrhu stavljanja u funkciju i preuređenja u spomen obilježje – Muzej stradanja građana Bosne i Hercegovine i u okviru sredstava predviđenih Budžetom Kantona Sarajevo za ovu namjenu

Prijedlog odluke ste dobili uz poziv za sjednicu. Da li ima potrebe da predstavnik Predlagača podne uvodne napomene. Da li predstavnici radnih tijela žele riječ. Ima li pitanja. Otvaram raspravu. Zaključujem raspravu.

Zamolio bih zastupnice i zastupnike da pristupe izjašnjavanju o Prijedlogu odluke kojom se Kantonu Sarajevo daje saglasnost da može pristupiti potpisivanju ugovora imovinsko-pravne prirode kako je to navedeno.

Zaključujem glasanje. Molim službu da objavi rezultate.

Za glasao 21 zastupnik, protiv i suzdržanih nije bilo.
Konstatujem da je Skupština donijela ovu odluku.

Prelazimo na tačku 5.

AD-5.

PRIJEDLOG ODLUKE O PROGLAŠENJU BORAČKIH UDRUŽENJA, ORGANIZACIJA I SAVEZA OD POSEBNOG INTERESA ZA KANTON SARAJEVO

Prijedlog ste također dobili uz poziv za sjednicu. Ima li potrebe da ministar podnese uvodne napomene? Nema. Da li predstavnici radnih tijela žele riječ. Ima li pitanja. Otvaram raspravu. Kolega Dević jeste se javili ili slučajno. Pitanja ili rasprava?

Rasprava. Otvaram raspravu. Za riječ se javio zastupnik Mahir Dević.

Mahir Dević (poslanik/zastupnik)

Hvala. Skupštine Kantona Sarajevo je na 53. radnoj sjednici redovnoj, održanog dan 6.7. 2022. godine na prijedlog zastupnika Okerić Elvedina donijela zaključak kojim se prihvata inicijativa da Vlada Kantona Sarajevo i Ministarstvo za boračka pitanja Kantona Sarajevo donesu odluku o proglašenju boračkih organizacija Kantona Sarajevo od posebnog interesa za Kanton Sarajevo a koje su članice Koordinacionog odbora boračkih organizacija Kantona Sarajevo. S tim u vezi postavljaju se dva pitanja.

Zašto je Prijedlog odluke o proglašenju boračkih udruženja, da ga sada ne čitam, odnosno ovaj inicijativa da Vlada Kantona Sarajevo i Ministarstvo za boračka pitanja Kantona Sarajevo donesu odluku o proglašenju a boračkih organizacija a ne Skupština Kantona Sarajevo? Znači ovdje nema spora kad je ova tačka dnevnog reda u pitanju da mi damo podršku, međutim mi smo kao Skupština usvojili zaključak da to u ime nas uradi Ministarstvo za boračka pitanja i Vlada Kantona Sarajevo. U konkretnoj situaciji mi danas ustvari kršimo zaključak Skupštine koji smo usvojili u julu mjesecu ovaj tekuće godine. Prema tome ja sada ne znam, evo ima tu i sekretar Skupštine da nam pomogne ili da mi dodamo jednu alineju da kažemo da taj zaključak onda stavljamo van snage, jer ga na ovaj način ustvari mi derogiramo. Da li je sada došlo do nesporazuma u komunikaciji na relaciji ne znam Ministarstvo-Vlada, da li smo mi zaključak usvojili koji nije bio adekvatno pripremljen to su sada pitanja naravno za raspravu. Međutim jedno smo utvrdili zaključkom, a vi znate jako dobro kako se akti usvajaju u Skupštini Kantona Sarajevo. Kada Skupština Kantona Sarajevo nešto naloži u smislu pripreme prijedloga akta zakona to se mora ispoštovati, to se ne smije kršiti. U Konkretnoj situaciji Vlada Kantona Sarajevo i Ministarstvo za boračka pitanja su prekršili naš zaključak ako idemo u ovu proceduru kakva je danas. Što se tiče podrške evo ukoliko već postoji saglasnost naravno da da i Koordinacioni odbor da je rekao da je tih ovaj je 8 boračkih udruženja čini mi se u toj Koordinaciji mi nemamo problem. Samo ovo ovako ako usvojite imate poslovnički pravni problem. Kršimo sami svoj zaključak i sad treba iznaći rješenje kako iz ovoga izaći ili jednostavno na neki način da glasamo ali bojim se da mi onda sami sebe derogiramo.

Elvedin Okerić (Predsjedavajući)

Hvala kolega Deviću. Ministar Omer Osmanović se javlja za riječi.

Omer Osmanović (ministar)

Hvala predsjedavajući. Hvala kolegi Deviću i ja sam isto tako shvatio kada je nakon donošenja Zaključka da je to jedan kraj kratki put i da treba Ministarstvo za boračka pitanja na osnovu Zaključka kao što ste prezentovali tada i mi smo uputili mišljenje prema Ministarstvu pravde da nam daju mišljenje i prema Ured za zakonodavstvu od kojih smo dobili negativna mišljenja da to nije taj put kojim zaključkom da možemo mi kao ministarstvo kao predlagač i da Vlada može usvojiti da proglasimo od javnog interesa i oni su nam ukazali da je to ovaj put koji treba da prođe. Mi smo na Vladi prošli, tu je sekretarka Skupštine da kaže. Znači na osnovu Mišljenja Ureda za zakonodavstvo i na osnovu Mišljenja Ministarstva pravde ovo je put kojim treba da proglasimo Koordinaciju boračkih udruženja od javnog interesa. Ovdje bih samo naglasio ove baš dvije riječi i zahvalit ću vam se na podršci svakako ovo je neki tehnički dio na što ste vi upozorili. Ovdje prvi put se dešava da bilo ko u na području kažem evo Federacije da se proglašava da se vraća ponos ovoj boračkoj populaciji da ih stavljamo od javnog interesa, opet ću podebljati, od javnog interesa. Hvala vam puno.

Elvedin Okerić (Predsjedavajući)

Zastupnik Mahir Dević.

Mahir Dević (poslanik/zastupnik)

Onda kao pred radnju. Ako već smo došli do ovoga Prijedloga odluke o ovim pravnim putem kako govori ministar znači ne može nam ovo stajati u preambuli naš zaključak kojeg smo prije usvojili, onda ga treba stavi van snage kao prethodnu radnju. Onda idite ovako: da glasamo za ovakav Prijedlog odluke uz zaključak da se zaključak broj taj i taj stavlja van snage jer pravimo pravno problem.

Elvedin Okerić (Predsjedavajući)

Evo prvo zastupnik Irfan Čengić se javio za riječ.

Irfan Čengić (poslanik/zastupnik)

Hvala predsjedavajući. Ja bih zaista htio pohvaliti ovdje Vladu Kantona Sarajevo ali prije svega ministra dakle koji je radio na ovome. Ja mislim da je ovo ispravan pravni put a da je ispravne namjera. Dakle po prvi put imamo, dakle ovo je diskusija nije nikakva replika radi vremena. Imamo po prvi put da utvrđujemo javni interes na Skupštini i dajemo formalnopravno nevladinim organizacijama, udruženjima građana njima javni interes koji čuvaju tekovine naše borbe kako 92. do 95. tako od 41. do 45. Mislim da je ovo ispravan put i da su iz Vlade ispravno postupili zato što Skupština ne može zaključkom na inicijativu prenositi svoje ovlasti. Dakle Skupština kada želi da prenese svoje ovlasti ona to mora učiniti pravnim putem i odlukom prenijeti nadležno. Nemojte samo da mi se ubacujete u riječ, mogu završiti svoju diskusiju. Dakle kada Skupština želi da prenese svoju nadležnost, zamislite da zaključkom na inicijativu mi izglasamo ovdje da Vlada može donositi zakone, što je nadležnost Skupštine. Ne možete tako nešto jer to nezakonito. Isto je nezakonito da mi samo zaključkom bez tačke dnevnog reda u okviru pitanja i inicijativa nešto naložimo Vladi da uradi odnosno ministru u ovom konkretnom slučaju Osmanoviću da nešto uradi što nije u skladu sa zakonom i Poslovníkom i ministar je pokušao da realizuje tu inicijativu, taj zaključak, dobio je mišljenje adekvatno i sada čovjek stavlja iz naše nadležnosti da mi utvrdimo javni interes. I samo zakonodavni predstavnički organ može utvrđivati javni interes a ne Vlada, a zakonodavni organ je mogao

donijeti odluku kojom precizira da je to tačka dnevnog reda, ta odluka je na dnevnom redu i tom odlukom da je nadležnost Vladi da nešto usvoji i jasne kriterije da propiše. Koliko sam vidio to se nije desilo, ovdje se desila situacija da je na inicijativu, ako se ne varam, usvojen zaključak da se prihvata ta inicijativa, ali ta inicijativa formalnopravno nije bila zakonita procedura. I ako ćemo sada glasati možemo samo staviti taj zaključak van snage, vi ga stavite predsjedavajući na glasanje ali mislim da Odluku treba u ovoj formi osvojiti danas kako je ministar i Vlada Kantona Sarajevo predložila.

Elvedin Okerić (Predsjedavajući)

Zastupnik Muamer Bandić izvolite imate riječ.

Muamer Bandić (poslanik/zastupnik)

Hvala predsjedavajući. Mi na Zakonodavno- pravnoj komisiji nismo imali ovu informaciju koju je sada iznio kolega Dević, mi o ovome nismo ni raspravljali. dakle Nismo znali koji pravni dokument ili akt je donesen prije nego što je ponuđen nama na Zakonodavno-pravnoj komisiji ovakva vrsta zaključka. Dakle pred Skupštinom i pred zastupnicima sada stoji pravno pitanje na koji način odnosno kojim dokumentom ili aktom ćemo utvrditi javni interes. Ovim dijelom koji je kolega Čengić to je rekao, pravni dokument ili akt kojim bi mi trebali da utvrdimo javni interes, u principu se samo javni interes utvrđuje zakonom, tako da je Skupština sad postavlja se pitanja ali evo Ministarstvo pravde je dalo svoje ovaj mišljenje, a također dao je Ured za zakonodavstvo svoje mišljenje.

Tako da u ovom kontekstu, ovo što je kolega Dević naveo, mislim da bi mi mogli da stavimo van snage zaključak koji je prethodno donesen, a da ovaj oblik pravnog odlučivanja stavimo zastupnicima na volju da glasaju.

Elvedin Okerić (Predsjedavajući)

Zahvaljujem se zastupniku Bandiću. Zastupnik Dević.

Mahir Dević (poslanik/zastupnik)

Nek bude druga diskusija mislim poslovnički gledano. Pravni akti kroz Skupštinu može ih predložiti jedan zastupnik može ih predložiti Vlada i nakon tog prijedloga pokreće se određene vrste inicijative. Tu inicijativu je kolega sadašnji predsjedavajući pokrenuo. Mi smo to prihvatili i dali nalog na koji način da se to uradi.

Ukoliko se u međuvremenu odlučilo na drugu vrstu procedure koje provodi isključivo Vlada i Ministarstvo za boračka pitanja kao ono može biti naravno ovlašten predlagatelj jer ima ove alate Ured za zakonodavstvo i sve ostalo, jedino rješenje po meni je onda ovo, da ovaj prethodni zaključak stavimo van snage jer mi ovdje imamo 2 paralelne procedure i mislim da su obje pravno ispravne. Obje su pravno ispravne jer je ovo nešto novo što se prvi put donosi i nije tretirano bilo zakon, nije izmjena i dopuna zakona, tako da Skupština one stvari koje su nedefinirane može da ih definiše zaključkom i da da nalog onom ko treba da pripremi materijale da ga pripremi. Dodajte možda glasanje uz zaključak i mislim da je to na neki način rješenje.

Elvedin Okerić (Predsjedavajući)

U cilju realizacije ove inicijative i najboljih namjera svih nas, bez obzira ko je podnio inicijativu, predlažem evo zajedno i kroz diskusiju da ukinemo ovaj Zaključak broj: 01-04-25536-1/22 od 6.7.2022. godine. A kasnije ćemo se izjasniti o Odluci koja je pred nama. Molim

službu da pripremi anketu za izjašnjenje, a zastupnice i zastupnike da se izjasne o ukidanju ovog starog zaključka od 6. 7.

Tako bi trebalo prvo.

Zamolio bih zastupnice i zastupnike da se izjasne o Prijedlogu ukidanja Zaključke od 6. 7.2022. godine Zaključka Skupštine Kantona Sarajevo. Nemamo ovdje, ne pokazujem mi. Zastupnik Kemal Ademović prije izjašnjenja.

Kemal Ademović (poslanik/zastupnik)

Skupština se izjašnjava o odluci i trebamo se izjasniti o odluci, ona je na dnevnom redu, samo iz preambule trebamo brisati taj zaključak na koji se poziva ta Odluka. Dakle treba biti na osnovu treba se pozvati.

Dokle samo brisati taj zaključak na koji se poziva, bezbroj je zaključaka koje Skupština donese koji nikad ne budu nikada realizovani. Dakle sada da uzmete statistiku, vi nemate realizaciju zaključaka, nemate te tačke uopšte. Nekad je to bilo. Dakle nemate tačku realizacija zaključaka sa prethodnih sjednica. Dakle vi sada kad bi izvadili statistiku ima nerealiziranih niz zaključaka. Samo treba brisati odavde iz preambule treba brisati da bi formalnoppravno odluka bilo ispravna i usvojimo tu odluku. I to je to.

Elvedin Okerić (Predsjedavajući)

Kolega Adamović mi nemamo u preambuli uopšte naveden ovaj stari zaključak.

Kemal Ademović (poslanik/zastupnik)

Onda je, onda je odluka čista, nema problema nikakvih.

Elvedin Okerić (Predsjedavajući)

Nema problem.

Kemal Ademović (poslanik/zastupnik)

Samo treba se izjasni o Odluci. Taj zaključak je irelevantan dakle koji je donijela Skupština. On, on nije relevantan. Vi možete. Inače je bila jedna tačka prije dakle realizacija zaključaka, pa se onda išlo od zaključka što se realizovao jel, nije, kako i itd. Dakle možda bi trebalo razmisliti ponovo da se uvede ta tačka. Dakle samo treba se izjasniti o odluci, odluka i to je to.

Elvedin Okerić (Predsjedavajući)

Pozivam zastupnice i zastupnike da se izjasne o Prijedlogu odluke o proglašenju boračkih udruženja, organizacija i saveza od posebnog interesa za Kanton Sarajevo.

Zaključujem glasanje, molim službu da objavi rezultate glasanja.

Za glasao 21 zastupnik, protiv i suzdržanih nije bilo.

Konstatujem da je Skupština donijela ovu odluku.

Tačka 6.

AD-6.

Prijedlog Odluke o davanju saglasnosti Zavodu za izgradnju Kantona Sarajevo je premijer Kantona Sarajevo povukao iz tehničkih razloga ovu tačku.

S tim završavamo današnju sjednicu Skupštine Kantona Sarajevo, iscrpili smo današnji dnevni red.

Koristim ovu priliku da u svoje lično ime i u ime Skupštine Kantona Sarajevo uputim iskrene čestitke u povodu nadolazećih novogodišnjih i vjerskog praznika, uz najljepše želje da radosti blagdana podijelite sa svojim najmilijim i da ih provedete u zdravlju, sreći i blagostanju.